

四庫全書

子部

欽定四庫全書

子部
羣書考索後集卷十四

詳校官中書臣寶汝翼

主事臣祁韻士覆勘

總校官知縣臣楊懋珩

校對官中書臣徐夔雲

謄錄監生臣吉士琛

欽定四庫全書

羣書考索後集卷十四

宋 章如愚 編

官制門

太守

郡守秦官掌理其郡秩二千石

秦滅諸侯以其地為郡

置守丞尉各一人守治民丞佐之尉典兵

漢景帝中元二年更名太守王莽改曰大尹中興仍西

漢三國及南朝因之晉郡守皆加將軍後魏初郡置
三太守北齊制郡為上中下三等後周郡太守各
以戶多少定品命隋因北齊九等之制開皇三年罷
天下諸郡以州統縣大業三年又改為郡唐武德元
年改為州刺史加號持節天寶元年改為郡太守五
代仍刺史之號

宋朝藝祖開基召諸鎮會于京都賜第以留之分命朝
臣出守列郡號權知軍州事軍謂兵州謂民政焉其

後文武官參為知州軍事二品以上及帶中書樞密院宣徽使職事稱判官太守掌總理郡政宣布條教導民以善而糾其姦慝歲時勸課農桑獄訟錢穀之事皆總焉建炎元年詔河北京東西路除帥臣外舊差文臣知州去處許通差武臣一次詔要郡帶本路兵馬鈐轄次帶兵馬都監紹興三年罷五年令郡守除授罷任並上殿六年詔控扼去處並以三年為任九年罷並帶提舉學事乾道二年令不任守臣不為

郎淳熙中令郡守罷帶學事

漢教化太守在蜀則有

文翁興學潁川則有黃霸力行教化淮陽則有汲黯

卧治董仲舒策曰今之郡守縣令民之師帥所以使

承流而宣化宣帝詔曰太守吏民之本又曰與我共

治者其惟良二千石乎孟舒為雲中守號為長吏後

漢魏颯遷桂陽太守下車脩庠序之教任延光武時

為九真太守教之耕桑禮配劉寵為會稽太守簡除

煩苛郡中大化趙廣漢為潁川太守郡中震慄尹翁

歸為東海大守治豪猾而大治李廣為上谷太守才
氣天下無雙後漢范曄為天水太守政嚴猛道不拾
遺黃昌為蜀郡太守宿惡大奸皆奔之他境唐韓愈
潮州刺史鰐魚徙六十里開元以後四十年間治廣
清節者三人宋璟李朝隱盧奐杜南同元結舂陵行
序當天下分憂之地得結輩十數人落落然參錯天
下為邦伯萬物吐氣天下安矣賈厚順為洛州刺史
百姓立碑表滋為華州刺史拜將軍耆老至遮道不

得進狄仁傑寧州刺史撫和戎夏人得歡心賜勞勸
勉漢宣嘗拜刺史輒召見親問考其所行以質其言
王嘉上言云孝文時吏居官者或長子孫二千石長
吏亦安官樂職其後或數月而遷送故迎新居官者
苟安求全二千石益輕吏民慢之成帝下詔二千石
有急取辦尊重事難危乃能使下唐太宗嘗曰朕思
治人之本莫重刺史故錄姓名於屏風卧興對之得
不肖牧輒疏下之以擬廢置始都督刺史皆臨軒策

受後不復冊受命日便殿賜衣物乃遣元宗時已辭
詣側門候進旨所以光寵守臣以責其功開元中詔
三省侍郎缺擇嘗任刺史者宣宗大中元年詔古者
郎官出宰公卿治郡所以重親民之官馬周言古者
郡守縣令皆選賢德欲有所用必先試以臨人或由
二千石高第入為宰相今獨重內官縣令刺史頗輕
其選又刺史多武夫勲臣或京官不稱職始出補外
張九齡言古者刺史入為三公郎官出宰百里今朝

廷士入而不出其於計私甚其自得也臣愚謂治之本莫若重守令玄宗嘗選諸司長官有聲望者一十人為刺史命宰相御史餞於洛濱宋朝太平興國九年選祕書丞楊延慶等十餘人分知諸州太宗謂宰相曰刺史之任最為親民非其人則民受其弊皇祐三年楊景宗請為一州帝曰景宗章惠太后之弟然貪戾之性老而益甚今與一州則一州之民受其弊卒不與

沿邊太守國朝沿邊州郡或當一道衝要者並兼兵馬
鈐轄或帶沿邊安邊沿邊溪洞巡察餘州則否

通判

秦置郡丞以佐守在邊為長吏掌兵馬漢因之歷代相
仍不廢而後改為別駕

宋懲藩鎮之弊置諸州通判建隆四年詔知府公事並
須長吏通判連書方許行下時大郡二員餘郡一員
州不及萬戶不置

縣令

周官有縣正各掌其縣之政令而賞罰之春秋時縣大而郡小

左傳云上大夫受縣下大夫受郡千里百縣

縣有四郡縣邑之長曰宰曰尹曰公曰大夫其職一也戰國郡大而縣小甘茂曰宜陽大縣其實郡也

漢縣令長皆秦官掌治其縣萬戶以上為令減萬戶為長侯國為相秩亦如之凡縣道國邑千五百八十七列侯食縣曰國皇太后公主所食曰邑有蠻夷曰道

後漢令掌治民勸善罰惡理獄訟平稅賦秋冬上計於所屬郡國晉制大縣令有治績官報以大郡若不經宰縣不得入為臺郎

自晉宋以後令長國相皆如漢制

北齊制為縣上中下三等

唐制縣有六等之差凡一千五百七十三縣令各一人導揚風化撫字黎民察冤屈親獄訟

五代任官凡齷齪無能者始注為縣令故天下之邑率

皆不治甚者誅求刻剝猥瑣萬狀

宋朝建隆元年應天下諸縣除赤畿外有望緊上中下
四千戶為望三千以上為緊二千戶以上為上千戶
以上為中不滿千戶為中下五百戶以下為下 戍

兵則兼攝兵馬都監或監押三年始以朝臣為知縣
其間復參用京官或幕職為之 朝臣知縣自大理正

奚與等始淳化四年詔京朝京官未歷州縣不得任
知州通判慶厯間詔天下知縣非鞫獄毋得差出政

和二年詔縣令以十二事勸課農桑自政和以來太平盛時人皆重內輕外士大夫皆輕縣令之選吏部兩選不注者甚多然後議所以增重激勸之法宣和五年縣令止差六十以下人從王敏之請靖康初詔請改官必為縣紹興七年詔將寺監丞簿等任滿已改官人未歷民事者各與堂除知縣一次九年詔吏部自後縣令差文臣乾道元年詔京官知縣以二年為任雖屢有更革卒以三年為任二年御筆今後非

兩任縣令不除監察御史

楚令尹子文三仕為令尹

無喜色三已無愠色舊令尹之政必以告新令尹子
游為武城宰孔子聞絃歌之聲曰割雞焉用牛刀子
游曰昔聞諸夫子曰君子學道則愛人小人學道則
易使鄭子皮欲尹何為邑子產曰少未知可否子皮
曰使往學焉子產曰大官大邑身之所庇也僑聞學
而後入政未聞以政學者也漢薛宣為彭城令宣曰
吏道以法令為師可聞而知及能與不能自有資才

何可學也董宣為洛陽令搏擊豪強後漢卓茂為密
令視人如子人不忍欺道不拾遺魯恭為中牟令專
以德惠為治不任刑罰劉昆教授江陵光武除為江
陵令連年火災昆能降雨止風前漢卜式為中郎將
曰治民如牧羊惡者輒去毋令敗羣上奇其言試使
治民拜緱氏令三國龐統字士元守耒陽令在縣不
治魯肅遺先主書曰龐士元非百里才使之處治中
別駕方始展其驥足天寶九載詔親人之官莫過縣

令比來選司取人必思書判古來良宰豈必文人自
今以後以政績為最大厯中淫雨害稼渭南令劉藻
曲附度支韓滉言所部無損代宗以為水旱咸均不
宜渭南獨免縣令職在恤人不損猶損損而不聞豈
有恤人之意乃貶劉藻貞元四年上召京兆府請縣
令對于延英殿訪以民之疾苦翌旦減免之玄宗新
除縣令宣政殿親問治人之策擢其高第者開元中
郎官缺擇嘗任縣令者又縣令數中辭赴職帝自制

令長新誠以諭之仍於廟堂賜宴以遣之其憂民擇
吏如此宋朝尹洙知河南伊陽縣與穆修以古文革
楊劉文體之弊天下翕然宗之嘉祐中王允規知河
清縣軍民歌詠有十奇寇準知巴東縣每朝會賦後
不出符移惟其姓名揭縣門民莫敢後嘗手植雙栢
於縣庭至今民以比甘棠謂大萊公栢

京畿令宋朝以通判資序人充

縣丞國初不置天聖中因蘇耆請開封兩縣始各置丞

一員在簿尉之上仍於有出身幕職令錄內人充元祐中因給納常平免役置丞並行省罷事務難劇處不罷

主簿自漢以來皆令長自調至隋始置之

宋朝開寶三年詔諸縣千戶以上置令簿尉四百戶以上置令尉令知主簿事四百戶以下置簿尉主簿兼知縣事

薦舉類

舜命禹為司徒遜于稷契皋陶垂作共工遜于及圻伯
與益作朕虞遜于朱虎熊羆命伯夷為秩宗遜于夔
龍四岳薦鯀當時不以為疑 春秋時晉侯問祈奚
嗣曰午也可君子曰立其子不為比祈奚為中尉羊
舌職佐之羊舌職死舉其子赤君子曰舉其偏不為
黨 又晉侯問咎犯誰可為西河守曰虞子烹烹謝
犯曰薦公也不以私事害公議 趙簡子曰趙簡王
問解狐孰可守上黨曰荆伯柳王曰非子之讐乎曰

舉賢不避讐

晉悼公稱伯六卿皆取民譽祈奚薦其

子韓無忌薦其弟范匄欒書魏絳之徒聞其人之賢
則上之昭頃以後伯美襄魏獻子為政用魏戊等十
人為大夫而謂成鱣曰吾與戊縣人其以我為黨乎
夫存形畏謗不見於六卿輔晉之時而在於六卿分
晉之後為公道之不行也

漢初宰相列侯薦士蕭何薦韓信魏無知薦陳平灌嬰
薦張敖不特此也廷尉吳公薦賈誼召為博士文翁

以蜀郡太守察舉至蜀郡太守武帝初年除吏之權
盡出宰相又有繆舉之罰竇嬰田蚡推轂趙綰為御
史大夫王臧為郎中令薦人或起家至二千石權移
主上陰欲殺其權恐不知其人可用遂置侍中等為
加官除宰相外皆帶之朝夕在側以薦導人物嚴助
侍中則薦朱買臣衛青侍中則薦主父偃楊得意侍
中則薦司馬相如而丞相不得薦舉是以公孫弘開
東閣不曾進一士石慶欲治一近臣反受其過 鄭當

時推轂薦士衛青以薦賢人主之柄不肯薦舉末

年綉衣薦人尤峻有自縣令至二千石如主所是也
宣帝而下韓增舉馮奉世使大宛宣帝謂所舉得人張
安世有郎功高不調不肯出一言必待人主自明谷
永薦薛宣為御史大夫何武薦兩龔兩唐又薦鮑宣
為諫大夫

光武詔自三公至州牧歲舉茂才孝廉郡國守相未滿
歲不得察舉以其未久不周知也杜詩薦伏湛郎顗

薦黃瓊虞詡薦左雄左雄薦周舉杜喬薦荀淑

晉武帝時羊祐所進達之人皆不知所由常曰拜官公
朝謝恩私門吾所不取也且薦杜預自代其後權浸
下移勢位之家更相薦記有如互市中興謝安舉兄
子謝玄為將不負所舉

唐太宗謂房玄齡曰公為僕射當助朕訪賢才比聞閱
牒訟數百豈暇求人哉武后時狄仁傑為相婁師德
實薦之仁傑不知仁傑薦張柬之又薦桓彥範敬暉

姚崇等數十人率為名臣或謂仁傑曰天下桃李悉
在公門曰薦賢為國非為私也

肅宗謂崔祐甫曰人言卿擬官多親故曰夫薦擬者必
悉其才行如不聞知何由得賢

文宗謂宰相薦人勿問親疎朕聞竇易直為相未嘗用
親故若果才避嫌而棄之亦不為公裴度薦李德裕
姚崇薦魏知古裴垪為相有故人求京兆判司曰才
不稱不敢以私傷至公他日盲宰相不妨得之垪則

不可

陸贄請令臺省官各舉其屬而德宗疑諸司所舉皆親故受賂者贄諫曰陛下擇相亦不出臺省長官之中豈有為長官而不能舉一二屬吏居宰相則可擇千百具僚其要在於精擇長史贄之說盡矣

宋朝祖宗時以考第資歷無過犯有勞績者遞遷謂之循資若磨勘應格自令錄以上及六考皆改著作佐郎無出身及七考改大理寺丞今宣教郎其有功賞

循資者減一等若未該磨勘循資至支使今文林郎

及八考者有出身人改太子中允餘改太子中舍今

通直郎其四色判官今承直郎及九考以上者改祕

書丞今奉議郎十二考以上改太常博士今承議郎

無出身人止殿中丞亦奉議郎

仁宗始以及第改官者多遂詔用帥守監司通判保薦

以歲改百員為額

元豐稍鑄改官之格故觀察判官以上改奉議郎無出

身人改通直郎掌書記改通直郎支使以下一例改

宣德郎 續通鑑節要

祖宗之初上自侍從大臣下至常參官又下至部使者
與郡守又下而至監當知縣之為陞朝官者皆得以
薦舉其路至廣也有歲舉有御禮舉有一人而歲舉
數十人者有不限之以數者其為員至寬也侍從舉
四員而本道轉運使副所舉或一二員皆得以引對
磨勘其為法至畧也不至有繆舉之患自天禧罷監

當朝臣舉官之制至寶元康定又罷常參薦舉治平
御史知雜以上又罷薦舉至熙寧又併式郡舉官罷
之而路始狹矣仁宗康定雖詔定內外臣僚薦舉之
數而諸路薦舉屬之監司其不限之以數猶故也其
後皇祐懲張易濫舉之弊又併部使者舉員差定之
而員始拘矣增四考為六考增舉者四人為五人所
共益密矣此薦舉之因革也

仁宗皇帝尤以選人遷官為重引對之際予奪抑揚不

專於有司之法陳琪用薦者十餘人知其為寵籍之
婿則抑之胡宗堯用薦者十餘人知其為胡宿之子
則抑之李師錫用薦者三十餘人知其為王德用之
姻則抑之且曰朕設保舉以寵天下士今但勢要者
得孤寒之士何由而進又呂文靖公薦其子夷簡以
為有宰相之才後果為名宦宋維翰薦种放為諫官
嘗出十輔之書以裨聖政此薦舉之公也

富弼論西事疏曰有才德者然後知人之才德無者見

必增忌歐陽公言三弊亦曰守廉謹者各主清幹之人
贓污者舉貪濁之人徇私者舉請求之人乾德中
嘗詔陶穀等四十五人舉郡佐矣太平興國中又嘗
詔李昉等十二人舉二司判官及轉運使矣至邢昺
等四人舉學官則景德之詔也張齊賢五人舉御史
則祥符之詔也張知白等十二人舉監司則天禧之
詔也夫居近列者非不多而被詔舉者有數此祖宗
用人之法也側聞太宗語大臣曰若不擇舉主何由

得賢真宗語近臣曰不若行擇舉主以類求人此擇舉之法也

銓選類

成周之時鄉大夫鄉老舉賢能而賓其禮司徒教三物而興諸學司馬辨官材以定其論太宰詔廢置而持其柄內史專與奪而式於中司士掌其版而知其數論定然後官之任官然後爵之位定然後祿之蓋擇才如此之詳

漢至成帝建始初置常侍曹尚書一人主公卿又有二千石曹尚書一人掌郡國二千石蓋選曹之所起也漢末立資格而資格甚嚴郡縣守相之高第者然後為二千石二千石之有治行者然後為九卿九卿之稱職者然後為御史大夫至於丞相則非御史大夫之任職者不遷也此其大者之有常格也博士高第者為尚書次者為御史否則以次補諸太學博士弟子二歲通一藝以上補文學掌故其高第為郎中文

事掌故郡屬備員此其小者之有常格也諸官初除
必先試守試守一歲然後為真則稱號有常格矣有
市籍者不得為官入財為官者不得名職則流品有
常格矣

後漢光武改常侍曹尚書為吏部尚書其時選舉於郡
國屬功曹於公府屬東西曹於天臺屬史曹尚書亦
曰選部而尚書令總之其所進用加歲月先後之次
其後所舉皆特拜不復簡試謗議漸生安帝永嘉中

左雄議改察舉之制限年四十以上儒者試經學文吏試章奏如有顏回子奇之類不拘年齒

時徐淑年

未及而舉孝廉乃以不拘年為對雄詰之曰回聞一知十孝廉聞一知幾淑無以對乃遣還郡雄在尚書

十餘年察選清平各得其人後黃瓊以雄孝廉之選專用儒學文吏於取士之義猶為有違乃增為四科孝弟及能從政

三國魏文帝時陳羣立九品官人之法州郡皆置中正

以定其選

中正以州郡之賢者為之有言行脩著或

以五升四以六升五道義虧則或自五退六自六退

七是以吏部不能審定故委中正銓第及其弊也惟

知問閤不辨賢愚故劉毅云下品無高門上品無寒

士南北朝至于隋選舉之法雖互有損益而九品及

中正至開元才罷

其武選俾護軍主之又以崔琰毛

玠為丞相掾並典選舉所用皆清正之士吏潔於上

俗成於下

晉依魏氏九品之制內官吏部尚書司徒左長史外官
有大中正州郡有小中正皆掌舉選其後中正任久
愛憎由已而九品之法漸弊劉毅上疏曰九品有八
損而官才有三難請因用土斷復鄉舉里選之法及
劉頌為吏部尚書復建九班之制令百官在職少遷
時賈郭專朝任者務速故不行山濤居選部甄別人
物各為題目時號山公啟事

宋文帝限年三十而任郡縣以六周而代刺史十餘年

及至武帝仕者不拘老幼守宰以三周是時謝莊請
令大臣各舉所知以付尚書銓用帝不欲重權在下
乃分吏部置兩尚書以散其權

梁制九流常選州置州重郡置郡崇鄉置鄉豪各一人
專典搜薦無膏梁寒素之隔後復置中正

陳選無定時隨缺則補官

後魏時中正所銓但在門第吏部彞倫仍不才舉文帝
求理內官通班以上自考覈以為黜陟其後員少應

調者多選曹無以處之崔亮乃奏不問賢愚以停解日月為斷魏之失才從亮始也

後周以吏部長選蘇綽為六條欲罷門資之制

隋制尚書舉其大者侍郎銓其小者則六品以下官吏咸吏部所掌自是海內一命以上之官州郡無復辟署矣

後魏北齊以來州郡僚佐以多為吏部所授

隋一切歸在省司劉炫曰小大之官悉由吏部職介之

迹皆屬考功所以繁也省官不如清心

唐制諸王及職事正三品以上若文武散官三品以上及都督都護上州刺史之在京師者冊受五品以上皆制授六品以下守五品以上及視五品以上皆勅授凡制勅授及冊拜皆宰司進擬白六品以下皆受悉由尚書文官屬吏部武官屬兵部謂之銓選文武選事各分為三銓尚書典其一侍郎分其二凡選始於孟冬終於季春武德以十一月起選至春則閒停

至貞觀劉休甫奏四時總選隨到注擬其擇有四事

曰身言書判四事可取則先乎德德均以才才均以勞六品以降計資量勞而擬官五品以上不試列名上中書門下聽制勅凡選以類為甲先簡僕射乃上門下省給事中讀之黃門侍郎省之侍中審之不審者皆得駁下既審然後上主者受旨而奉行焉給告身武選亦然其黔中嶺南閩中之官不由吏部謂之南選

高宗麟德以後選人漸多裴行儉設長名姓歷榜引銓注之法開元中裴光庭以選人無常限復作循資格賢愚一貫必合乎格者乃得銓授久淹者皆荷之謂之聖書而掄才之方失矣武德初官不充員吏曹移牒州府課人應集至則授官無退遣後求者漸多始有沙汰太宗詔杜如晦曰吏部取人舉言辭不詳才行將依漢法令本州辟召事寢不行貞觀十八年高季輔獨知選事太宗賜金鏡一面以表其清鑒焉永

徽中以來官紀以紊武后朝以選人多不實令糊名暗考以定第及中宗韋氏太平公主用事神龍後除官不由宰司特勅斜封便拜凡數千員內外謂之三無坐處言宰相御史及員外郎也韋氏敗始以宋璟為吏部尚書李義盧從愿為侍郎姚元之為兵部尚書陸象先盧懷慎為侍郎悉奏罷斜封官量闕留人雖資高深非才實者不取初尚書銓掌七品以上選侍郎銓掌八品以下選至是通其品而掌焉未幾

璟元之等罷崔涖薛昭希太平公主意上言罷斜封
官人失其所而怨積於下必有非常之變乃下詔盡
復斜封別勅官玄宗以選試不公乃置十銓試人明
年復故天寶中楊國忠以吏部尚書三銓注官皆自
專之與左相唱注以誇敏速由是不經門下省審侍
郎不得參議肅代以後銓注無可道者德宗時沈既
濟有四太之說入仕之門太多世胄之家太優利祿
之資太厚督責之令太薄顯慶中劉祥道知選事上

疏陳六事會杜正倫亦言入流者衆乃詔與祥道參議而執政憚改作遂格其議矣

以通鑑唐書修

宋朝太祖承五季之弊文武常參官非有勞者未嘗進秩考滿叙遷之法稍不復舉當是時京朝隸中書三班屬樞密主管差遣磨勘之法歸之大臣則是大臣實預黜陟之權

建隆詔吏部判銓選人並試判三道為

上中下三等太平興國中定十四等惟除下等餘三

等皆注官

太宗淳化建審官院為黜陟之地量才較績而引對不
廢其無功可錄者至有供奉官四十年不遷至道
中官缺至千七百人而有司請併合吏員三而省一
以實空官一切超折就擬尚不充也承平既久官塗
大啟天禧之間遂有假員之法取審官虛闕而躡授
吏部待擬之人而銓品浸革矣祥符中黃綬之吏未
得選者遂至三千始預用一歲員闕至

仁宗時吏在仕版者無慮八九千人而調補者復不在

焉預用之闕且涉三歲議者以為流爛之極是時范

仲淹陳事有言曰今不聞勞逸能否一切以歲月叙遷非考績之法而蘇紳亦曰今不問才能之長短惟以資歷深淺為先後欲賢不肖有別不可得也

今吏部之注擬者何也始入官而得簿尉自簿尉而得令丞推而上之至於幕職由是法也又上而至於守貳由是法也其宜得者則曰應格其不宜得者則曰不應格



羣書考索後集卷十四

欽定四庫全書

羣書考索後集卷十五

宋 章如愚 編

官制門

考課類

考課之法尚矣

舜典曰三載考績三考黜陟幽明如絲之績用弗成必待九載而後見是也 至成周而計吏之法益詳焉歲

終考歲會月終考月要日終考日成又三歲有大計之
治九載有黜陟之方亦幾於不憚煩者而綱維所繫并
二可攷歲終受會則掌之太宰詔王廢置則掌之太宰
大計誅賞則又掌之太宰是亦足矣至小宰又以六計
廉善廉能廉敬廉正廉法廉辨弊羣吏之治宰夫
以八職正師司旅府史胥徒掌官府聽國計於司會計
吏治於司書有小司徒以攷其治成有內史以逆其會
計大抵皆統於太宰功罪能否舉以告王而升黜之此

周制之善也

凡設官之長各考一官之屬六卿考屬官

牧伯攷諸侯又盡攷於司會而後冢宰受百官府之會而詔廢置焉蓋各攷其屬則寡而難欺提要於上則簡而易見

秦任刀筆郡國事不先上丞相輒上御史是時法雖嚴而王稽守河東至不肯上計

漢興課吏之際猶有古意郡守辟除令長得自課第刺史得課郡國守相而丞相御史得雜攷郡國之計書至

天子則受丞相之要 以史攷之王尊為郡決曹太守
察尊廉補鹽官長焦延壽為郡史察舉補小黃令是令
長之職多郡守自辟置也 令長於歲盡計戶口墾田
穀錢盜賊之數上計郡國課功效故茂陵令蕭育為漆
令請扶風怒曰君課第六裁自脫何暇以為左右言是
令長之職守相得自課第也 刺史巡行所部郡國考
殿最歲盡詣京師奏事是刺史得課守相也 谷永薦
薛宣曰左馮翊宣攷課功績簡在兩府則御史得雜攷

郡國明矣 丙吉曰殺傷橫道京兆尹職當禁歲旱丞相課其殿最奏行賞罰而已觀其課殿最之言則丞相雜攷郡國之計書明矣 觀奏行賞罰之言則天子受丞相之要又明矣 又其課吏皆每事而攷韓延壽在東郡斷獄為天下要此刑獄課也尹翁歸守右扶風盜賊課常為三輔最此盜賊課也倪寬為內史租稅不入當免後民爭輸租而更以最此租課也卜式為成臯令將漕最此漕運課也陳立為天水太守勸農桑為天下

最此農桑課也後志注曰令長歲盡計縣戶口墾田錢穀盜賊上其簿於郡課校其功則戶口墾田錢穀亦各有課也以此推之在當時攷覈必有法度惜漢史之不具有而後世無以復攷也

漢制或受計於京師或受計於

甘泉或受計於明堂其所受之不一也或令以列侯居相府而領其事漢初置計相以張蒼為之領郡上計或令先上太史而後上丞相或察之以御史其所掌之官不一也然當時魏尚以差功六級廢賞壽王三年不上

計至勤詔書督促其欺隱未易槩舉也吾觀兒寬以負
租課殿當免民恐失之輸負租不絕課更以最右扶風
會課茂陵令蕭育治六漆令郭舜殿育為之請夫始殿
而終最使人得以用情而無一定之法固無可議會既
定而人得為之請囑則其法將安用哉

宣帝黃龍之詔責計簿之欺謾曰三公不以為意朕將
何在蓋膠東王成以偽增戶口而蒙顯賞公卿不言他
時反得諸郡國計吏之言則帝之詔蓋為此也

元帝時京房作考功課吏之法令晉灼所列者令丞尉以盜賊除罪之科爾其法非止此也然而不覺盜三日者坐之則繩下過急矣故公卿議會而皆以房言煩細時部刺史亦以為不可行其後出守魏郡帝惟許其自行未幾而廢

三國魏明帝時劉邵作都官攷課之法七十二條大畧欲使親人之吏以功次補郡守就秩賜爵其法得矣而使州縣察士必以四科則取士之路亦狹矣時崔林以

為考課存乎其人若大臣能任職式是厥辟則孰不肅
烏在攷課焉 京房之說欲專任法崔林之說欲專任
人二者皆偏也要必詳明乎法而復參乎人然後攷課
之法立

惟晉武帝杜預論攷課乃兩備其意預之言曰古者黜
陟疑於心不泥於法末世疑心而信耳目疑耳目而信
簡書簡書愈繁官愈偽莫若委任達官各攷所統於是
立六優六劣之法優多劣少者平叙劣多優少者左遷

法簡而易行然必以六歲乃一按焉故時病不能行也
後魏文帝泰和中詔三載一考即黜陟親與公卿論其
善惡上上者遷之下下者黜之中中者守其本任其後
崔鴻建議患選曹一槩不曾甄別則是法已紊矣

唐置考功郎中員外郎各一人掌文武百官功過善惡
之考法凡考課有四善 德義 清謹 公平 恪謹
二十七最 有上中下之別

自近侍至于鎮防並據職事目為之最凡二十七焉

一最以上有四善為上上一最以上有三善或無最
而有四善為上中一最以上有二善或無最而有三
善為上一最以上有一善或無最而有二善為中
上一最以上或無最而有一善為中中職事粗理善
最弗聞為中下愛憎任情處斷乖理為下上背公向
私職務廢缺為下中上官諂詐及貪濁有狀為下下
若於善最之外別有可嘉尚及罪雖成殿而情狀可
矜或雖不成殿而情狀可責者省校之日皆聽考官

臨事量定

太宗又遣使以六條黜陟天下時房玄齡王珪掌內外官考課權萬紀奏曰不平上命侯君集推之

馬周疏曰今流內九品以上有九等考第自比年不過中上未有得上下以為上考者臣謂所設九等正考當今之官必不施之於異代也縱使朝廷實無好人猶恐於見任之內比校其無善者以為上第豈容皇朝士人遂無堪上下之考臣謂宜每年選天下政

術尤最者一二人為上其次為上中其次為上下
則中人以下可自勸矣 盧懷慎曰三載考績校其
功也請自令都督刺史以下在任者未經四考不許
遷除

玄宗開元中命諸道採訪使考課官人善績三年一奏
永為常式 至二十七年二月赦文比來諸道所通
善狀但優仕進之輩與為選調之資責實循名或乖
古義自今以後諸道使更不須通善政每至三年朕

自擇使臣觀察風俗有清白政理著聞者當別擢用
並通典

德宗時趙璟獻審官六議四議考課曰今內庶僚外刺
史課最尤者擢以不次善矣臣謂黜陟宜責歲限若任
要重未當遷者加爵或秩其餘進退宜示遲速之常若
課在中考如限平轉而歷試之即無苟且之心滯淹之
慮唐傳嘗觀唐之世如班宏之駁劉廼趙宗儒之貶
裴郁盧紹控李泌之抑蕭俛段文昌崔實杜元欽而進

張惟素鄭覃皆考課之得人也 陽城刺史道州治民如治家而民皆知化可謂刺史之最而當時反以催科政拙而下其考何易于令昌邑不督賦役三年無囚可謂縣令之最矣而當時反以在官無異稱而中上其攷此考課之失也 以通典漢唐志及雜文脩

開元初攷功多請托冒濫歲數百人王丘遷攷功務覈實材登科纔滿百人 本傳 至德後攷績未實內

外悉攷中上殿最混淆趙宗儒領攷功事黜陟詳當

無所回憚凡八中上者纔五十人 本傳 趙璟自言

薦韋証以貪敗請降攷考校使劉滋謂璟知過更以

考升 盧承慶嘗攷内外有一官監運損糧考中

下其人容色自若又改注曰非力所及考中中既無

喜無愧又改曰寵辱不驚考中上 韋嗣立調雙流

令政為前最 盧從愿遷豫州刺史政嚴簡奏課為

天下第一 裴向為櫟陽渭南令奏課第一 薛珣

為乾陵臺令歲終以清白聞課第一

宋朝

太祖建隆二年令右監門衛將軍魏仁滌等以監酒麴市徵額外有美利並令遷秩故事文武常參官各以曹官事繁省著為月限考則遷轉太祖循名責實非有勞者未嘗進秩自是歲滿序遷之典頗不復舉行

會要

建隆三年十一月甲子先是案令文州縣官撫育有萬戶口增益者各率見戶每十分加一分刺史縣令各進考一等其州戶不滿五千縣戶不滿五百各準五千五

百戶法以為分若撫養年方戶口減耗各準增戶法亦減一分降考一等主司因循例不進攷惟按視闕失不以輕重便書下攷至是有司上言自今請以減損戶口一分科納係欠一分已上並降攷一等如以公事曠遺有制殿罰者亦降一等又言京官月限多少不等有以三十六月為滿者有以三十月者有以二十月住支料錢者有司逐年書校考第並無準繩自今請應有曹局料錢京官並以三十月為滿內有合校考第者以此為

限其料錢一依舊例月數支給並從之

長編

乾德元

年詔御史臺吏部南曹刑部大理寺官自少卿郎中員外郎知雜御史以下丞簿司直評事等並以三年為滿如常在本司決事者至月限日便與官其尚書侍郎御史中丞大理卿別議恩典如官不恪事廢即不得例遷仍量罪置罰

會要

乾德四年詔曰惟彼銓衡止憑資

歷慮有英俊沉于下僚自今常調赴集選人委吏部取南曹取歷任中多課績而無闕失者具名送中書門下

引驗量才甄叙

實訓

乾德四年詔三司判官皆妙選

時守而事務既繁心力有限若非考課陞黜則功過難明自今有改移制置切在從長事或未詳湏問別司若三省徧咨猶未能決即訪之諸道轉運使以盡利害仍各置歷書其課績至歲終考之三司各置推官一員別給以印三司使亦時糾其非宜庶幾各盡心共濟公事

通畧

開寶九年十一月庚午詔諸道轉運使各察舉

部內知州通判監臨物務京朝官等以三科第其能否

政績尤異者為上恪居官次職務粗治者為中臨事弛慢所莅無狀者為下歲終以聞將大行誅賞焉

長編

太宗謂宰相曰朕欲擇河北一轉運徧閱班簿多不詳操履自今臣僚授任並具履歷引對所冀朕漸與羣臣相識亦可觀其材質若懷才蘊智之士自可因此敷揚或嘗負瑕缺朕前一一讀之想其耻如撻市宋琪曰陛下樂育多士將面命而識之使士大夫有所効又令當職之官獲免謗議

寶典

太宗詔置內殿崇班在供奉之

上左右侍禁在殿直之上以供奉殿直有四十年不遷者故特置崇班侍禁之直以次授之是國初之制不以歲月計久近為叙遷之法也至三年趙韓王復相畏嫌避事請置攷課以分中書之權於是以前京朝官考課歸審官院以幕職州縣官攷課歸流內銓以二銓使臣攷課歸三班院或給印紙歷子或功績可紀清白有守過犯度數舉主姓名盡皆書之俾至闕下赴院磨勘第其等而升黜之尚有甄別能否之意也 興國二年正月

十日詔曰虞書考績爰及三年漢官奏課聿分九等應
諸道州府曹掾府及縣令簿尉先是吏部南曹給印紙
歷子俾州縣長吏書其績用僣過秩滿有司詳視而差
其殿最斯舊章也執事者其申明之無或蔽欺以紊經
制諸州先於歷子外給公據者罷之敢有妄書功勞輒
隱違犯致磨勘彰露或為人陳告本判官錄事參軍悉
除名長吏重罰曹司決配仍揭榜于錄事參軍廳事會
要興國三年二月判吏部南曹董淳言諸州錄事掾

縣令簿先給南曹歷子州吏批書多所漏畧今於令式取其合書如受驛義倉官市牛皮筋角前代帝王陵寢嶽瀆河海祠廟及給鹽麪商稅超越等並書敢漏一事者殿一選三事者降一資初入令錄者只於本資降州縣吏加答責焉令式所合書者雖所部無有亦著其無以相參驗望頒行諸州從之同上興國六年二月詔曰朝廷伸懲勸之道立經久之規應羣臣掌事于外州悉給以御前印紙所貴善惡無隱殿最必書俾因滿秩

之時用因考績之典近聞官吏頗紊綱條朋黨比周秩
相容蔽米鹽細碎妄有指言蠹有巨而不章勞雖微而
必錄有司據文而校件析以聞志既切於澄清思或由
於僥倖成命不反蓋示信以當然出令惟行於垂勸而
安在宜行戒諭用儆因循自今應出使臣僚在任日勞
績非尤異者不得此書曾有殿犯不得引慝其餘經常
事不在批書之限

會要

興國七年五月詔曰朝廷重

賞罰之柄為懲勸之典蓋生民之利病由官吏之能否

也所以旌別善惡黜陟幽明每思精審以立制條州縣官所考殿最係南曹而知州通判別給御前印紙以書功過洎歲時斯久因循失職遂成私徇寢以混淆特舉舊章以明申警自今外任京朝官凡從政之迹並係本部以實狀書於所給印紙不得增京功過阿私罔上其闕津書考之官悉書其名違者置罪

同上

二十九日

詔應知州通判知軍監知縣減官及進士及第幕職州縣官曾給御前印紙者宜令齎往任所批事迹納差遣

司磨勛功過定升降官第及堪何任使京官以下送閣

門引見朝官件析以聞

同上

興國八年四月詔曰國

家並建庶官分掌衆務各司攸局咸盡其材不明殿最之文曷伸懲勸之道應州縣幕職官等吏部盖有舊規自今京朝官釐事於外者秩滿歸闕曾經責罰及臨事簡慢者並與邊遠州郡課績高第治行尤異者授以近地式示勸能著為定制

同上

六月三日刑部郎中楊

徽之庫部員外郎孔承恭同考校京朝官殿最八月內

詔曰朕選用羣才升良衆職九品之賤一命之微未嘗專委於有司必須召對於便殿親與之語以觀其能倘敷納而可觀必越次而命賞靡容僥倖庶協澄清自今應親臨選擢官吏並送中書更審勘履歷別聽進止同

上

雍正二年詔右諫議大夫雷德驤同知京朝官考

課今錄其履歷功過之狀引對既得漸識羣臣可以擇才委任且使有官政者樂以召對負瑕累者耻於顧問可以懲勸矣

通畧

雍熙四年三月十二日詔曰國家

分職建官蓋期於共理信賞必罰以示於無私用崇激
勸之風冀盡忠勤之節應天下知州通判等共分憂責
各效官成政理之臧否攸歸黎庶之慘舒是繫所宜明
為責罰以示勸懲先給御前印紙令書課績而功過未
盡其實黜陟未得其宜自今並條其事迹凡決大獄幾
何凡政有不便於時改而更張人獲其利者幾何及公
事不治曾經殿罰並具書其令狀同僚共書不得隱漏
罷官日上中書考校以定殿最

會要

淳化二年正月

十日左諫議大夫魏庠知制誥柴成務同知京朝官考課十九日詔曰國家擇幹蠱之材領轉漕之任生民係乎舒慘國用倚之盈虛百吏承風在舉措而宜謹三年會計固黜陟以是行苟無課最之文曷伸懲勸之理應諸道轉運使自今釐革庶務平反獄訟及貨財盈羨飛輓辦集有利於民等事並令所在州府軍監每歲終開折以聞其尤異之績者不得申舉

同上

淳化三年十

月戊寅詔曰三考黜陟有虞之茂典八使按行東漢之

以蜀郡太守察舉至蜀郡太守武帝初年除吏之權
盡出宰相又有繆舉之罰竇嬰田蚡推轂趙綰為御
史大夫王臧為郎中令薦人或起家至二千石權移
主上陰欲殺其權恐不知其人可用遂置侍中等為
加官除宰相外皆帶之朝夕在側以薦導人物嚴助
侍中則薦朱買臣衛青侍中則薦主父偃楊得意侍
中則薦司馬相如而丞相不得薦舉是以公孫弘開
東閣不曾進一士石慶欲治一近臣反受其過 鄭當

功過編策進內 咸平四年四月初每遇郊祀則百僚
遷官上即考課官孫何耿望以為僥倖請罷去至是之
郊慶止加階勲爵邑而京朝則命審官院攷其殿最引
對上親閱而遷之磨勘京朝官自此始 通畧 景德元

年九月五日詔諸路轉運使副察所部官吏能否辨為
三等公勤廉幹文武可取利益於國惠及於民者為上
幹事而無廉譽清白而無治聲者為次畏懦而貪慢公
不治賊狀未露濫聲頗彰者為下並列狀以聞 會要

景德二年以京朝官任中外職受代者位課引對多獲叙進而計司三館不預茲例於是內出孫沔等四人姓名特遷其官復令審官院立五年之制三班院以七年為限祥符四年以主客郎中李巽為度支郎中兩浙轉運副使司勳員外郎王矩為工部郎中京西轉運副使初遣官提點刑獄至是代選命向敏中較其殿最以嘗活冤獄者為第二等餘為第三等祥符八年及上玉皇聖號大赦内外文武官滿三年者有司即考課以

聞於是引對之法廢矣 天禧元年詔不限內外職守
但及三歲非犯入已贓者皆磨勘遷陟則其他贓私敗
皆得以遷官於是黜陟之法廢矣 乾興元年九月已
已詔伎術官自今不得如京朝官考課遷陟 聖政

仁宗時趙尚寬知忠州以攷課第一知唐州有異故下
詔褒焉仍進秩賜金 天聖三年謂輔臣曰先王考績
之次序雖見於經其詳不傳於後世朕以諸路舉刺之
官初未有法以考其賢比令有司校考績課以歲滿所

上功狀定其殿最為上中下三等用唐考功四善之法
驗其行實升絀之又擇可信良吏典治之其以新書布
于天下凡在位者悉力一心務以稱朕至誠惻怛之意
天聖六年詔令前一日具功過進內候欲出引對又
非太宗臨軒顧問懲惡勸善之意矣明道間李迪再相
沽譽又減武臣三年遂定為五年磨勘之制而昔時攷
課黜陟之意愈失矣 天聖七年敕宜令審官院今後
京朝官並宜依景德四年敕以前轉官及三周年者並

收接文字依例磨勘如到闕已來未及三周年者依例
差遣仍候轉官四年者亦與磨勘其川廣轉官及三周
年許令在任中發文字赴審官院磨勘仍命御史臺曉
示今後京朝官得替仰依程限赴闕如不因事故顯有
拖延具官位姓名聞奏 天聖八年審官院參詳京朝
官多得替後轉官未及三年却別准本州或轉運司及
諸州公文差遣常及在路故拖延三周年方始到闕今
後京朝官並須以得替日前以轉官及三周年磨勘從

之會要 慶歷二年正月御史中丞賈昌期言近歲舉諸州路提刑多非其人請廢故課黜陟之法詔自今提刑到闕令磨勘院具在任功過分三等聞奏上等除省府判官或轉運使副中等與大藩知州後方升陟差任下等正知州郡如未替間別有差委不拘此限

會要

慶歷三年開天章閣責治范仲淹富弼有曰我祖宗朝文武百官皆無磨勘之例惟政能可旌者擢以不次無所稱者至老不遷故人人自勵以求績效今文資三年

一遷武職五年一遷謂之磨勘不限內外不問勞逸賢不肖並進此豈黜陟幽明之意耶臣請今後兩地臣僚無大功大善更不非時進秩內外官雖通滿五年乃得磨勘

長編

詔曰考課之法舊矣祥符之際治致升平

凡下詔條全於寬大考最則有限年之制入官則有循資之格及此事邊因緣多故數被官簿審閱周行思得應務之才毋虧素養之道非賞勸衆志不激勵非比別人情不憤悱具申凡目著于甲令大詔令嘉祐六年

八月詔曰先王考績之次序雖見於經而其詳不見於後世朕若稽古以修衆功而諸路刺舉之官未有以考其賢否比令有司詳議厥制條奏來上詢謀悉同古人有言曰徒善不足以爲政徒法不能以自行今朕有念功樂善之志而又繼之以黜陟幽明之法以待天下之大吏矣然非夫任事之臣躬率以正而考覈其實與士大夫之宣力于外者皆安於禮義而不以便文徼倖爲奸則朕之志豈能獨善於天下而法亦何恃以行哉咨

爾在位其各采力一心務祇簡書以稱朕至誠怛惻之意其令考校轉運使副提點刑獄課績院以所定條目施行

英宗治平三年始展為四年磨勘及定少卿監員額亦以救舊時之弊行至于今入流至多員額猥衆既無引對之法又有減年之令雖任官祠以至待次無功可考無聲可述但計歲月並與遷秩其與國初之意太戾矣
治平四年十月詔曰考課之法所以諫羣臣而覈名

實也今諸路監司與郡守之政既已詳別其條具為令矣至於縣令之職與民尤近而未嘗立法恐非所以愛養元元之道宜令天下州軍各上所轄縣令治狀優劣其條約令考課院議定以聞

神宗熙寧三年四月自上即位循名責實守臣課不及等則有展年降資而治狀優異則褒寵之監司以上則命御史考校至是以縣最為近民未有勸沮約束乃詔考課院條具於儀定以斷獄平是賦入不擾均役屏盜

勸課農桑振恤孤窮遵修水利戶籍增衍整治簿書為最而參用德義清謹公平恪勤為善以攷令之治行分上中下三等取其能否尤著者別其優劣歲上其狀以詔賞罰即循權要抑孤寒故不以實者論如遺制之法通畧

考課院言準詔定到知縣縣令課法在任斷獄平允民無冤濫賦稅及時了辦不須追擾及差役均平並無論訴之人及雖有論訴而無不當之理在任能屏除盜賊里民安居勸課力田使野無曠土又能振恤困

窮不致流移雖有流移之人而多方招誘都令復業一
任之中主客戶比舊籍稍有增衍在任架閣庫簿書務
合整齊經提刑轉運點檢別無散失及興修水利疏通
積水以利民田能勸誘人戶種植桑棗天下州軍委知
州通判每歲取索轄下得替知縣令前項三條課績兼
依唐四善德義清謹公平恪勤採逐人有上項事實即
參詳分為上中下三等申本路轉運提點刑獄司逐司
類聚齊足同共將一路所供三條課績四善事實再行

審定上中下三等內有事狀尤異出於上等之外則定為優等如政事昏繆出於下等之下者即定為劣等即不得將合在三等政事定優或劣其奏狀並限次年春季申奏到送攷課院看詳如所奏報允當即從本院保明申奏武臣知縣為上中下等之人即乞比類上項賞罰施行詔並從之

長編

熙寧三年丙午詔中書考察

內外官司置簿記功過俟歲終及因非次除擢檢錄比

校進呈擇其尤甚者進紬之

同上

哲宗元祐七年四月三省言諸路考察縣令課績等第者本條未有限定人數今以一路所管縣多寡為則委本州通判考察課績以德義有聞清慎明著公平可稱恪勤匪懈為四善以獄訟無冤催科不擾稅賦別無失陷宣敕條貫經帳簿書齊整差役均平為治事之最農桑墾殖野曠土闢水利興修民賴其用為勸課之最屏除奸盜人獲安處賑恤窮困不致流移為撫養之最仍通取善最分為三等七事為上二等為中餘為下限次

月申監司數聚每半年一次同行審復若有能否尤著者別為優劣上半年限八月下半年限次年二月具事狀保明以聞知州除太中大夫觀察使以上三京留守安撫使鈐轄不考察外其餘並委監司依此考察以上並令吏部開拆等第申尚書省即知州通判到任未滿一月監司未滿兩月者並展一月其知縣令在任不及二年罷任者不考察從之

同上

紹聖二年七月尚書

省言今增損諸轉運提刑提舉官合上簿七事一舉官

二勸農桑三招流亡四興利除害五按察吏部賦罪六
部內置獄及平反獄訟七譏察賊盜並開具互申都司
都司限兩月開具申尚書省諸考課事核賞罰而隱瞞
不申者徒二年逐曹失報者責其吏從之

會要

高宗紹興間因尚書席益之奏而用乾德詔書凡常調
中才行可取或課績優著者長貳具以名聞 紹興三
年八月臣僚上言守令有四善四最攷課之法雖具載
條格欲望明詔監司守臣遵行攷課良法責以試實治

狀上聞如得優異之人乞加獎擢以為循吏之勸詔令

吏部申明行下

同上

紹興三年二月權吏部尚書席

益言太祖乾德四年詔曰自今常調赴集注選人吏部

南曹取歷中多課績而無闕失者觀其人才詣以吏術

可副陞擢者具名送中書門下省驗以聞當與量加甄

獎欲望不用乾德詔書凡常調中才行可取或課績優

著者長貳具以名聞從之

同上

紹興六年四月殿中

侍御史周祕言國家以十五事考校監司以四善四最

考校守令保奏有限違限不實者有罪而五六年間惟成都潼川路一嘗奏到其餘諸路課績並不申奏法令廢弛能否無辨欲望特命有司檢具考課條令申嚴行下責諸路監司州縣自今各依限保明其累年輒不申奏者亦乞取問因依仍乞自今從朝廷制度取殿最各一二人量行賞罰詔令吏部申嚴行下諸路常切遵守如違仰御史臺糾劾以聞餘依奏 紹興二十八年十二月右正言凌哲言祖宗時監司考課之法尤所注意

至給御前印紙批書事件俟其滿歲用以磨勘至於保
奏互舉各有期限違者論罪如律比年以來文存實亡
漫不加省善否混淆莫之旌別欲望申命有司檢坐見
行考課條法嚴飭諸路監司恪意遵守以時互舉聞乎
朝廷且使稍久其任以究行殿最從之

會要

孝宗乾道間臣僚乞自今以責實以為政吏不惟文法
士不惟詞藝故考課黜陟之法所以復還前日之舊矣
總論宋朝建隆初始以戶口增耗為州縣吏歲課之升


降興國初又定三科之法以覈能否其後遂詔郭質勝中正雷德驤典其事又雍熙間上嘗閱班部欲擇用人而患不能徧知羣下之才始詔德驤以羣臣易過之迹引與俱對淳化中又分京朝官考課使王沔主之乃取州縣官考課使張宏主之三班考課使魏廷式主之沔既條奏其法於是御史戴子元郎中張紳皆以負黜焉然沔之法亦以煩碎無待士君子之體物議非之久之復廢京朝考課而置審官院以錢若水主之廢州縣官

攷課歸之流內銓以蘇易簡主之唯三班無所改易其
後天子又嘗欲自宰相修制書攷之事既而但欲責其
稱職遂不行焉然親書課最之意二十餘幅以賜錢若
水等蓋其丁寧之意如此焉

曾南豐

太祖委大臣擇士歲滿叙遷之典稍不復舉文武常
參官非有勞者未嘗進秩至淳化間先正趙普復相
畏嫌避事請置攷課院以分中書之權於是以京縣
官攷課歸審官院以幕職州縣官攷課歸流內銓以

三班使臣歸三班院舉大臣之道揆付之有司之法
守雖有才品至庸下而資攷既足莫不例遷論者以
為非便



羣書考索後集卷十五

當朝臣舉官之制至寶元康定又罷常參薦舉治平
御史知雜以上又罷薦舉至熙寧又併式郡舉官罷
之而路始狹矣仁宗康定雖詔定內外臣僚薦舉之
數而諸路薦舉屬之監司其不限之以數猶故也其
後皇祐懲張易濫舉之弊又併部使者舉員差定之
而員始拘矣增四考為六考增舉者四人為五人所
共益密矣此薦舉之因革也

仁宗皇帝尤以選人遷官為重引對之際予奪抑揚不

欽定四庫全書卷

羣書考索後集卷十六

官制門

使祿類

周禮司祿缺其職而不載豈孟子所謂諸侯惡其害已而去其籍者乎雖然軻嘗聞其畧矣自天子至於子男凡五等自公卿至于下士凡六等

宋章如愚編

天子一位公一位侯一位伯一位子男同一位凡五等君一位卿一位大夫一位上士一位中士一位下士一位凡六等

君十卿祿食二千八百八十人

卿祿四大夫食二百八

十八人大夫倍上士食七十二人

上士倍中士食三十

六人中士倍下士食十八人

下士與庶人在官者同祿食

九人庶人士在官謂未命為士者祿足以代其耕也此

大國之制次國小國則卿祿有隆殺焉

次國君十卿祿卿祿三大夫大夫倍上士上士倍中士中士倍下士下士與庶人在官者同祿 小國君十卿祿卿祿二大夫大夫倍上士上士倍中士中士倍下士下士與庶人在官者同祿

大抵自上農夫食九人積而言之耳孔子使原思為之宰與之粟九百孟子為齊卿其祿十萬鍾范雎許穰侯之辭曰自斗食以上有非相國之人者乎王剪攻闕與歸斗食以下秩佐史也 然則自周以迄戰國無不以

穀粟制祿也

漢興雖小有增損然亦秦制三公號萬石有中二千石比六百石有真二千石有二千石比四百石有比二千石比三百石有千石比二百石有比千石推而下之以至于百石其月斛各有差班固雖不載於本史而顏氏百官表之注尚畧具焉旁考漢律丞相大司馬大將軍俸錢月六萬貢禹上書元帝亦曰臣為諫大夫秩八百石俸錢月九千二百此通典所謂其時亦有俸錢之差

但史文不具耳然則西京之制有穀有錢往往穀多而錢少

宣帝益天下吏百石以下奉十石成帝又益三百石以下奉

後漢建武二十六年增百官俸其千石以上乃減於西京而六百石以下則增於舊制荀綽晉百官表注載後漢延平中二千石俸錢九千米七十二斛真二千石月錢六千五百米三十六斛 當煬帝時百官俸祿猶米

多而錢少況於前乎伏則有賜臘則有賜立春則又有賜帛之制漢官儀所載猶可考也

北齊以帛制祿後周以粟制祿也

唐武德中外官無祿貞觀中制有上考乃給祿其後遂定給俸祿之制以民地租充分官為九品有正有從而給米石各有差凡文武官每歲給祿以石計者總一十五萬有奇而在外者不與焉

在外皆降等

其俸錢之制

則以公廨錢充用公廨錢者官給錢本置令史府史回

易納息以充俸又攷之通典凡京文武正官每歲供給俸食等錢以千計者總一十五萬有奇而員外置不與焉是唐初俸祿錢與米相等矣其後亂離百官俸祿才給其半

梁開平中始令全給

唐同光初租庸使孔謙以軍儲不充百官俸錢雖多而折支非實請減半數而支實錢是後所支半實復從虛折

周顯德中復支實錢

宋朝皆約後唐之制或一支實二分支景德罷兵始詔京師官每千實給六百在外四百至祥符以景貺來格又復增給矣祿令之制定於嘉祐五年府祿米月止百石而俸錢則宰相月三百千執政月二百千而使相則四百千而餐之有在此外者以月計之亦不下四五萬錢則是本朝之制俸錢多於祿米元豐肇新官制職事官職錢以寄祿官高下分行守試三等大率官

以祿令為準而在京官供給之數皆併為職錢如大夫為郎既請大夫俸矣又請郎官職錢視嘉祐祿制為優至崇寧間蔡京秉政貪鄙者在位於寄祿官俸錢職事官職錢外復增供給食料既請僕射之俸又請司空之俸其餘侍從錢米皆支本色執政皆然其視元豐制祿又增倍矣紹興兵興京官以上各減三之一而小官之俸或反增於曩時所以責廉節也

歷代祿數

周制自天子至下士凡六等諸侯國君十卿祿食二千

八百八十人卿四大夫祿食二百八十八人大夫倍上

士食七十二人上士倍中士食三十六人中士倍下士

食十八人下士與庶人在官者同食九人次國之卿食

二百一十六人君食一千一百六十人小國之卿食百

四十四人君食千四百四十人次國之卿命於君者亦

如小國之卿

漢制自中二千石至百石凡十三等中二千石月俸百

八十斛二千石 百二十斛至百石 十六斛

宣帝益天下吏百石以下奉十五 漢書

攷異按漢書云宣帝益百石以下奉十五若食一斛則益五斗是也又按應劭注漢書云張敞蕭望之言曰今小吏奉率不足常有憂父母妻子之心雖欲潔身為廉其勢不能可增天下吏奉宣帝乃益天下吏奉什一今二說牴牾不可不審亦兩存之

成帝陽朔中除八百石就六百除五百石就四百綏和

二年又益吏三百石以下奉凡吏比二千石以上年老致仕者三分故祿以一與之終其身

通典

中三千石月

俸百八十斛二千石百二十斛比二千石俸百斛千石俸八十斛六百石俸七十斛四百石俸五十斛比四百石俸四十五斛三百石俸四十斛比三百石俸三十七斛二百石俸三十斛比二百石俸二十七斛百石俸十六斛自四百石以至二百石為長吏斗食月俸一十斛或云斗石歲俸不滿百石計日而食一斗二升故云斗

食佐史目俸八斗自百石以下是為下史

通典漢書表

攷異按漢官制所食祿秩皆以斛計當是時但以米穀為祿也今觀貢禹上書曰臣為諫議大夫秩八百石俸錢月九千二百為光祿大夫秩二千石俸錢月萬二千則是又有錢為俸又按王莽詔曰公卿以下一月纔布二匹或帛一匹是又有布帛為俸也由此觀之則漢一代之官祿不可純以為用穀也

後漢大將軍三公月俸三百五十斛至建武二十六年

增百官俸其千石以上減於西京舊制六百石以下增於舊秩永初四年又減百官及州郡縣俸各有差本史

凡諸受俸皆半錢半穀延平中定制中二千石月俸

錢九千米七十二斛

真二千石 錢六千五百米三十六

斛比二千石 錢五千米三十四斛

千石 錢四千米三十

斛 六百石 錢三千五百米二十一斛

四百石 錢二千五

百米十五斛 三百石 錢二千米十二斛

二百石 錢一千

米九斛 百石 錢八百米四斛八斗

臘及立春更頒賜有

差

宋永元初制州郡秩俸隨土所出無有定準有父母祖
父母年登七十者並給見錢其郡縣田祿以芒種為斷
其此前去官者則一年秩祿皆入前人此後去者悉入
後人

梁武帝天監初定九品令帝於品下注一品秩為萬石
第二第三品為中二千石第四第五品為二千石及侯
景亂國用常補京官文武月唯別得廩食多遥帶一郡

縣官而取其祿秩焉

通典

揚徐等大州比令僕班寧桂

等小州比參軍班丹陽郡吳郡會稽等郡同太子詹事
尚書班高源晉康等小郡三班而已大郡六班小縣兩
轉方至一班品第既殊不可委載其州郡縣祿米絹布
絲綿當處輸臺倉庫若給刺史守令等先准其所部文
武人物多少由勅而裁

後魏初無祿秩至孝文太和八年始頒俸祿罷諸商人
以簡民事增調三足穀二斛九升以為官司之祿均調

為二疋之賦祿行之後脏滿一疋者死 其祿每季一
請於是百官受祿有差諸宰人之官各隨近給公田刺
史十五頃太守十頃治中別駕各八頃縣令縣丞六頃
更代相付至十年議定民官依尺給絹 本史又曰初
邊方小郡太守數戶而已一請止六尺絹給不滿疋

北齊官秩一品每歲八百疋 二百疋為一秩 從一品七

百疋 一百七十五疋為一秩 二品六百疋 一百五十疋

為一秩 從二品五百疋 一百二十五疋為一秩 三品四

百疋一百疋為一秩從三品三百疋七十五疋為一秩

四品二百四十疋六十疋為一秩從四品二百疋五十

疋為一秩五品一百六十疋四十疋為一秩從五品一

百二十疋三十疋為一秩六品一百疋二十五疋為一

秩從六品八十疋二十疋為一秩七品六十疋十五疋

為一秩從七品四十疋十疋為一秩八品三十六疋九

疋為一秩從八品三十二疋八疋為一秩九品二十八

疋七疋為一秩從九品二十四疋六疋為一秩祿率一

分以帛一分以粟一分以錢事繁者優一秩平者守本
秩閑者降一秩長兼試守者亦降一秩官非執事不朝
拜者皆不給祿執事官一品以下給公田各有差凡州
郡縣制祿之法刺史守令下車各前取一時之秩上
上州刺史歲秩八百疋與司州牧同上中上下各以
五十疋為差中上降上下一百疋中中及中下亦
以五十疋為差下上降中下一百疋下中中下亦
以五十疋為差

上都太守歲秩五百疋 降清諸尹五十疋 上中上
下各以五十疋為差 中上降上下四十疋 中中
及中下各以三十疋為差 下上降中下四十疋
下中下下各以二十疋為差

上上縣歲一百五十疋與鄴臨潼咸安三縣同 上中
上下各三十疋為差 中上降上下二十疋中中及
中下各以五疋為差 下上降中下二十疋下中下
下各以十疋為差

州自長史下逮于史吏郡縣自丞以下逮于掾佐亦皆以帛為秩郡有尉者尉減丞之半皆以其所出常調課給之自一品以下至流外勲品各給事力一品至三十人下流外勲品或以五人為等或以四人三人二人一人為等繁者加一等平者守本力閑者降一等謂州刺史守令以下幹及力皆聽勅乃給其幹出所部之人一幹輸絹十八疋幹身放之力則郡縣白直充

後周制祿秩下士一百二十五石中士以上至於大夫
各倍之上大夫是為四千石卿二分孤三分公四分各
益其一公因盈數為一萬石其九秩一百二十石八秩
至於七秩每二秩六分而下各去其一二秩一秩為四
十石

通典

隋京官正一品祿九百石其下每以百石為差至正四
品是為三百石從四品二百五十石其下每以五十石
為差至正六品是為一百石從六品九十石以下每以

十石為差至從八品是為五十石食封及官不判事者并九品皆不給祿其給皆以春秋二季刺史太守縣令則計戶而給祿各以戶數為九等之差大州六百二十石其下每以四十石為差至於下下則三百石大郡三百四十石其下每以三十石為差至於下下則一百石大縣百四十石其下每以十石為差於下下則六十石其祿唯及刺史二佐及郡守縣令通典京官給職分田一品者各給田五頃至五品則為田三頃其下每品

以五十畝為差至九品為一頃外官亦各有職分田又

給公廨以供用

要訣

文帝時嘗以百僚供費不足臺省府寺咸置廨錢收息

取給工部尚書蘇孝慈以為官人爭利非興化之道上

表請罷從之公卿以下及給職田各有差

通典義寧二

年唐王為相國罷外官給祿每十斛給地二十畝

通典

大唐武德中外官無祿貞觀二年制有上考者乃給祿

其後遂定給祿俸之制

以民地租充之

京官正一品

米七百石錢九千八百 從一品 六百石 正二品 米五百

石錢八千 從二品 米四百六十石 正三品 米四百石錢

六千一百 從三品 米三百六十石 正四品 米三百石錢

四千二百 從四品 米二百六十石 正五品 米二百石錢

三千六百 從五品 米百六十石 正六品 米百石錢二千

四百 從六品 米九十石 正七品 米八十石錢二千一百

從七品 米七十石 正八品 米六十七石錢千六百 從八

品 米六十二石 正九品 米五十七石錢千三百 從九品

米五十七石 諸給祿者三師三公及太子三師三少
若在京師宰相文武官職事九品以上并左右千牛備
身左右太子千牛衛等官給其春夏二季春秋冬二
季秋給

凡京文武官每歲給祿總一十五萬一千五百三十
三石三斗自至德之後不給

其在外文武官九品以上準官皆降京官一等給其文
武官在京長上者則不降

諸給祿應降等者正從一品各以五十石為一等二品三品皆以三十石為一等四品五品皆以二十石為一等六品七品皆以五石為一等八品九品皆以二石五斗為一等

其俸錢之制京師諸官初置公廨令行署及番官興易以充其俸貞觀十二年罷公廨置胥士七千人取諸州上戶為之準防閤例而收其課三歲一更計負多少而分給焉貞觀十五年以府庫尚虛勅在京諸司依

舊置公廨給錢充本置令史府史胥士等今回易納利以充官人俸諫議大夫褚遂良上疏陛下近許諸司命史捉公廨本錢不便太宗納之停諸司捉錢依舊本府給月俸 貞觀二十一年復依故制置公廨給錢為之本置令史府胥士等職賈易收息以充其俸 永徽元年悉發胥士等更以諸州租庸脚直充之其後又令薄賦百姓一年稅錢依舊令高戶及典正等掌之每月收息以充官俸其後又以稅錢為之而罷其息利 凡京

文武正官每歲供給俸食等錢

井防閑庶僕及雜錢等

總一十五萬三千七百二十貫

員外官不在此數

外官

則以公廨田收及息錢等常食公用之外分充月科先以長官定數其州縣少尹長史司馬及丞各減長官之半尹大都督府長史副都督別駕及判司准二佐以職田數為加減其參軍及博士減判司主簿縣尉減縣丞各三分之一

謂內外負外官同正負者祿科賜會食科一事以上

並同正貲其不同正貲者祿賜食料亦同正貲餘各給半職田並不給自乾元之後以常賦不給内外官俸祿各減其半

内供奉及裏行不帶本官者祿俸食料防閑庶僕一事以上並同正官帶官者聽從多處給 若帶外官者依官給食料賜會以京官同 諸檢校及判試知等官不

帶内外官者料度一事以上准貲外官同正貲例給若檢校及判試知處正官見闕者兼給雜用其職田不應

入正官者亦給

其特御史殿中及監察御史知試並同內供奉給行
例

儀鳳三年制內外官俸食防閤邑士白直等宜令王公
以下率口出錢以充給焉 調露元年九月職事五品
以上准舊給仗身 武太后光宅元年九月以京官八
品九品俸料授簿諸八品每年給庶僕二人九品二人
又有親事帳內六品七品子為親事八品九品子為帳

內限年十八以上舉諸州共率萬人為之

凡王公以下及文武職事三品以上帶勲官者則給之

其親事府帳內府官附在王侯篇

三師三公開府儀同三司一百三十人 嗣王郡王一百

八人 上柱國帶二品以上職事九十五人 帶三品職事

六十九人 柱國帶二品已上職事七十九人 帶三品職

事六十二人 上護軍帶二品已上職事七十三人 帶三

品職事五十五人 護軍帶二品已上職事六十二人 帶

三品職事

三十六人

諸州縣之官流外九品之上皆

給白直二品

四十人

三品二十三人

四品二十四人

五

品十六人

六品十人

七品七人其七品佐官六人

八品

五人九品四人

諸州縣官流內九品以上及在外監五

品以上皆給執衣

隨衣驅使典執舉硯其監官於隨近

州縣取充

二品十八人

三品十五人

四品十二人

五品

九人六品七品各六人

八品九品各三人關津兵讀官

並不給

分為三番每周而代

不願代者聽之

初以民

丁中男充為之役使者不得踰境後皆捨其身而收其課課入所配之官遂為恒制鎮戍之官以鎮戍上中下為差上鎮給仗身四人中下鎮將副各三人中下鎮副各二人倉曹兵曹戍主副各一人其仗身十五日一時收資六百四十人開元十年正月省王公以下視品官參佐及京官五品以上官仗身職負凡京司文武職事官五品以上給防閣一品九十六人二品七十二人三品四十八人四品三十二人五品二十四人六品以下

給庶僕六品 五人 七品 四人 八品 三人 九品 二人 公

主邑士 八十人 郡主 六十人 縣主 四十人 特封縣主 三

十四人 京官任兩職者從多給 凡州縣官皆有白直

二品 四十人 三品 三十二人 四品 二十人 五品 十六人

六品 十二人 七品 六人 八品 五人 九品 四人 凡諸親

王府屬並給士力數如白直其防閤庶僕白直力士納

課者每年不過二千五百執衣元不過一千文防閤庶

僕舊制季分月俸食料雜用即有分諸官應月給 開

元二十四年六月乃撮而同之通謂之俸料一品月俸料八千食料千八百雜用千二百防閤二十千通計三十一千二品月俸六千食料千五百雜用一千防閤十五千通計二十四千二百三品月俸五千食料千一百雜用九百防閤十千通計十七千四品月俸三千五百食料七百雜用七百防閤六千六百六十七通計十一千五百六十七五品月俸三千食料六百雜用六百防閤五千通計九千二百六品月俸二千食料四百雜用

四百庶僕二千五百通計五千三百七品月俸千七百五十食料三百五十雜用三百五十庶僕千六百通計四千五十八品月俸千三百五十食料三百雜用三百庶僕六百通計二千五百五十九品月俸千五十食料二百五十雜用二百庶僕四百通計千九百負外官帶同正者不減正負官食料錢不帶同正者減半

宰臣李

林甫奏

天寶三載勅郡縣闕職錢送納太府寺自今

已後納當郡充負外官料錢不足即取正官料錢分若

無負外官當縣分 天寶五載制郡縣白直計數多少
同料錢加稅以充之不得配丁為白直 十四載八月
制兩京文武官九品以上正負官自今以後每月給俸
食雜用防閤庶僕等宜十分率加二分其同正官加一
分乃永為恒式

肅宗至德二年已後內外官並不給料錢 乾元元年
外官給半料與職田京官亦與職田不給料仍勅度支
使量閑劇可給手力課負外官一切無料全二年九月

詔京官比無俸料桂玉之費將何以堪宜取絳州穀錢
給冬季即仰所由申請計會支給 大歷三年通計京
城諸司每月給手力資錢凡四萬七千五百四十六貫
四十八並以天下青苗錢充初以常賦不給乃稅人墾
田畝十有五錢資用窘急不暇成熟候苗青即征之故
謂之青苗錢主其任者為青苗使 大歷十二年四月
度支奏給京百司文武官及京兆府縣官每月料錢自
太師以下及參軍文學博士錄事各有差應給百司正

負文武官月料錢外官負準式例合支給料錢自檢校及內侍省監省監亦有差度支奏每年約加一十五萬六千貫文準舊給數都當二十六萬貫文已來伏望準數起六月一日給付勅旨依仍令所司起五月一日支給待豐年無事即準常式處分 六月七日戶部侍郎判度支韓滉奏準今年四月二十八日恩勅加給京文武九品以上正負官月俸其同中書門下平章事不帶正官勅內無額應檢校官同中書門下平章事並請同

正官例就一高處給勅旨依至 建中三年閏正月四
日文武百官每月料錢一百貫已上者三分減一八十
貫已上者五分減一六十貫已上者七分減一四十貫
已上者十分減一三十貫已下者不減待兵革寧後仍
舊給至 貞元三年十一月二十八日勅京官及京兆
府縣官宜加給料錢至四年正月十六日勅京文武及
京兆府縣官總三千七十七員據元給及新加每月當
錢五萬一千四百四貫六百一十七文一年都當六十

一萬六千八百五十五貫四百文 三十四萬八千五百貫四百文舊額二十六萬八千三百五十五貫四百文新加已上並通典及理道要訣并唐會要

宋朝太祖乾德四年詔州縣之職民政是親自來所請料錢多是折以他物既將貨物未免擾人豈惟傷廉抑亦犯禁且民為邦本祿以代耕俸給苟或不充官吏何以知勸應天下令錄簿尉判司等宜準漢乾祐三年勅復於中等無色役戶內置俸戶據本官所請料錢折支

物色每一貫文給與兩戶貨賣逐戶每月輸錢五百文
除二稅外與免役其折支物色每歲有官吏隨蠶鹽一
併給付元數給第定置田料錢人戶等易料錢二十貫
至七貫俸戶自四十戶至十四戶各有差役幕職官亦
給俸戶開寶五年悉令罷之 會要

太宗雍熙四年詔曰王者設班爵以馭貴差祿秩以養
賢所宜各懋厥官共成庶務顧其稍食宜在優豐應內
外文武臣僚等折支俸錢舊以八分為十分支給自今

並以實價給之。大詔令淳化三年戶部言桂州給貞州十七兩四錢充轉運使時載月俸五十一貫八百文有逾常例望令按劾詔以殊賜載仍別給俸錢焉。

真宗祥符五年詔定加文武職官月俸數加今制自唐貞元四年定百官俸至僖昭亂離國用窘闕天祐中止給其半梁開平始令全給後唐同光祖庸使孔謙以軍儲不充百官月俸萬數雖多而折支非實請減半數而支實錢是後所支半實俸虛折顯德三年復給實錢宋

朝之制備于國史大凡約後唐所定數其非兼職者有
一分實錢三分折支景德罷兵之後始其俸給他物者
京師一千給實錢六百在外四百帝嗣位以來承二帝
恭儉之外富有多積承平既久賦斂至薄軍國用度之
外未當廣置自奉且以庶官勤事非厚稍無以責廉隅
故因行慶特給六年入內侍省亦等第加給

會要

仁宗寶元初論者欲損吏兵俸賜帝曰祿廩皆有定制
毋遽更變以搖人心

長編

寶元間陝西用大輔臣議

節浮費有議百官俸賜上曰朕所欲去乘輿服御宮掖
奢侈奇巧無名之費不給之用爾今國家擇人用職俸
賜自有定制何可裁減實訓

神宗熙寧二年詔自今文武朝官乞致仕歷任有功績
治狀顯著者給外任俸錢衣賜京官班行準此其雖無
功績治狀歷任無公私罪事理重及無贓罪者減半長

編

熙寧四年中書言天下選人俸既薄而又多寡不
一恐不足以勸廉吏今欲月增縣令錄事參軍俸錢至

十五千米麥四石司理司法司戶參軍主簿縣尉防團
軍事推官軍監判官錢十二千米麥三石每月通增俸
錢一萬二千餘緡米麥二千八十餘石其三班使臣短
使并押綱運並糜費不易欲令三司勘會開畫以聞從
之先是選人廩給下者至請錢七千米麥兩石而已貧
不足自養則往往陷於苟賤不廉之地上閔之故更此
法其後三班吏卒不及增

長編

高宗建炎初詔宰執及見任宮觀待歸未有差遣京官

以上俸錢權減三之一

聖政

紹興二年上語及戢賊

吏呂頤浩曰奸吏侵漁不可不禁然州縣官依條格合得請給宜按月支與使之食足然後可以養廉隅上曰然輔臣因進呈諸路公使庫支給外縣官供給條格詔申明行下

聖政

紹興三年上曰小官增俸雖變舊法

亦所以權一時之宜祖宗成憲固當謹守至於今昔事有不同則法有所不行亦須變而通之自元豐增選人俸至十千二百當時物價甚賤今飲食布帛之價比宣

和間猶不啻三倍則選人何以自給而責以廉節難矣
先是御筆增小官俸方下有司條具故聖諭及此聖政

羣書考索後集卷十六

徽中以來官紀以紊武后朝以選人多不實令糊名
暗考以定第及中宗韋氏太平公主用事神龍後除
官不由宰司特勅斜封便拜凡數千員內外謂之三
無坐處言宰相御史及員外郎也韋氏敗始以宋璟
為吏部尚書李義盧從愿為侍郎姚元之為兵部尚
書陸象先盧懷慎為侍郎悉奏罷斜封官量闕留人
雖資高深非才實者不取初尚書銓掌七品以上
選侍郎銓掌八品以下選至是通其品而掌焉未幾

璟元之等罷崔涖薛昭希太平公主意上言罷斜封
官人失其所而怨積於下必有非常之變乃下詔盡
復斜封別勅官玄宗以選試不公乃置十銓試人明
年復故天寶中楊國忠以吏部尚書三銓注官皆自
專之與左相唱注以誇敏速由是不經門下省審侍
郎不得參議肅代以後銓注無可道者德宗時沈既
濟有四太之說入仕之門太多世胄之家太優利祿
之資太厚督責之令太薄顯慶中劉祥道知選事上

疏陳六事會杜正倫亦言入流者衆乃詔與祥道參議而執政憚改作遂格其議矣

以通鑑唐書修

宋朝太祖承五季之弊文武常參官非有勞者未嘗進秩考滿叙遷之法稍不復舉當是時京朝隸中書三班屬樞密主管差遣磨勘之法歸之大臣則是大臣實預黜陟之權

建隆詔吏部判銓選人並試判三道為

上中下三等太平興國中定十四等惟除下等餘三

等皆注官

太宗淳化建審官院為黜陟之地量才較績而引對不
廢其無功可錄者至有供奉官四十年不遷至道
中官缺至千七百人而有司請併合吏員三而省一
以實空官一切超折就擬尚不充也承平既久官塗
大啟天禧之間遂有假員之法取審官虛闕而躡授
吏部待擬之人而銓品浸革矣祥符中黃綬之吏未
得選者遂至三千始預用一歲員闕至

仁宗時吏在仕版者無慮八九千人而調補者復不在

焉預用之闕且涉三歲議者以為流爛之極是時范仲淹陳事有言曰今不聞勞逸能否一切以歲月叙遷非考績之法而蘇紳亦曰今不問才能之長短惟以資歷深淺為先後欲賢不肖有別不可得也今吏部之注擬者何也始入官而得簿尉自簿尉而得令丞推而上之至於幕職由是法也又上而至於守貳由是法也其宜得者則曰應格其不宜得者則曰不應格

欽定四庫全書



羣書考索後集

羣書考索後集卷十四

欽定四庫全書

羣書考索後集卷十五

宋 章如愚 編

官制門

考課類

考課之法尚矣

舜典曰三載考績三考黜陟幽明如絲之績用弗成必待九載而後見是也 至成周而計吏之法益詳焉歲

終考歲會月終考月要日終考日成又三歲有大計之
治九載有黜陟之方亦幾於不憚煩者而綱維所繫并
二可攷歲終受會則掌之太宰詔王廢置則掌之太宰
大計誅賞則又掌之太宰是亦足矣至小宰又以六計
廉善廉能廉敬廉正廉法廉辨弊羣吏之治宰夫
以八職正師司旅府史胥徒掌官府聽國計於司會計
吏治於司書有小司徒以攷其治成有內史以逆其會
計大抵皆統於太宰功罪能否舉以告王而升黜之此

周制之善也

凡設官之長各考一官之屬六卿考屬官

牧伯攷諸侯又盡攷於司會而後冢宰受百官府之會而詔廢置焉蓋各攷其屬則寡而難欺提要於上則簡而易見

秦任刀筆郡國事不先上丞相輒上御史是時法雖嚴而王稽守河東至不肯上計

漢興課吏之際猶有古意郡守辟除令長得自課第刺史得課郡國守相而丞相御史得雜攷郡國之計書至

天子則受丞相之要 以史攷之王尊為郡決曹太守

察尊廉補鹽官長焦延壽為郡史察舉補小黃令是令
長之職多郡守自辟置也 令長於歲盡計戶口墾田

穀錢盜賊之數上計郡國課功效故茂陵令蕭育為漆
令請扶風怒曰君課第六裁自脫何暇以為左右言是
令長之職守相得自課第也 刺史巡行所部郡國考
殿最歲盡詣京師奏事是刺史得課守相也 谷永薦
薛宣曰左馮翊宣攷課功績簡在兩府則御史得雜攷

郡國明矣 丙吉曰殺傷橫道京兆尹職當禁歲旱丞相課其殿最奏行賞罰而已觀其課殿最之言則丞相雜攷郡國之計書明矣 觀奏行賞罰之言則天子受丞相之要又明矣 又其課吏皆每事而攷韓延壽在東郡斷獄為天下要此刑獄課也尹翁歸守右扶風盜賊課常為三輔最此盜賊課也倪寬為內史租稅不入當免後民爭輸租而更以最此租課也卜式為成臯令將漕最此漕運課也陳立為天水太守勸農桑為天下

最此農桑課也後志注曰令長歲盡計縣戶口墾田錢穀盜賊上其簿於郡課校其功則戶口墾田錢穀亦各有課也以此推之在當時攷覈必有法度惜漢史之不具而後世無以復攷也

漢制或受計於京師或受計於

甘泉或受計於明堂其所受之不一也或令以列侯居相府而領其事漢初置計相以張蒼為之領郡上計或令先上太史而後上丞相或察之以御史其所掌之官不一也然當時魏尚以差功六級廢賞壽王三年不上

計至勤詔書督促其欺隱未易槩舉也吾觀兒寬以負
租課殿當免民恐失之輸負租不絕課更以最右扶風
會課茂陵令蕭育治六漆令郭舜殿育為之請夫始殿
而終最使人得以用情而無一定之法固無可議會既
定而人得為之請囑則其法將安用哉

宣帝黃龍之詔責計簿之欺謾曰三公不以為意朕將
何在蓋膠東王成以偽增戶口而蒙顯賞公卿不言他
時反得諸郡國計吏之言則帝之詔蓋為此也

元帝時京房作考功課吏之法令晉灼所列者令丞尉以盜賊除罪之科爾其法非止此也然而不覺盜三日者坐之則繩下過急矣故公卿議會而皆以房言煩細時部刺史亦以為不可行其後出守魏郡帝惟許其自行未幾而廢

三國魏明帝時劉邵作都官攷課之法七十二條大畧欲使親人之吏以功次補郡守就秩賜爵其法得矣而使州縣察士必以四科則取士之路亦狹矣時崔林以

為考課存乎其人若大臣能任職式是厥辟則孰不肅
烏在攷課焉京房之說欲專任法崔林之說欲專任
人二者皆偏也要必詳明乎法而復參乎人然後攷課
之法立

惟晉武帝杜預論攷課乃兩備其意預之言曰古者黜
陟疑於心不泥於法末世疑心而信耳目疑耳目而信
簡書簡書愈繁官愈偽莫若委任達官各攷所統於是
立六優六劣之法優多劣少者平叙劣多優少者左遷

法簡而易行然必以六歲乃一按焉故時病不能行也
後魏文帝泰和中詔三載一考即黜陟親與公卿論其
善惡上上者遷之下下者黜之中中者守其本任其後
崔鴻建議患選曹一槩不曾甄別則是法已紊矣

唐置考功郎中員外郎各一人掌文武百官功過善惡
之考法凡考課有四善 德義 清謹 公平 恪謹
二十七最 有上中下之別

自近侍至于鎮防並據職事目為之最凡二十七焉

一最以上有四善為上上一最以上有三善或無最
而有四善為上中一最以上有二善或無最而有三
善為上一最以上有一善或無最而有二善為中
上一最以上或無最而有一善為中中職事粗理善
最弗聞為中下愛憎任情處斷乖理為下上背公向
私職務廢缺為下中上官諂詐及貪濁有狀為下下
若於善最之外別有可嘉尚及罪雖成殿而情狀可
矜或雖不成殿而情狀可責者省校之日皆聽考官

臨事量定

太宗又遣使以六條黜陟天下時房玄齡王珪掌内外官考課權萬紀奏曰不平上命侯君集推之

馬周疏曰今流内九品以上有九等考第自比年不過中上未有得上下以為上考者臣謂所設九等正考當今之官必不施之於異代也縱使朝廷實無好人猶恐於見任之内比校其無善者以為上第豈容皇朝士人遂無堪上下之考臣謂宜每年選天下政

術尤最者一二人為上上其次為上中其次為上下
則中人以下可自勸矣 盧懷慎曰三載考績校其
功也請自今都督刺史以下在任者未經四考不許
遷除

玄宗開元中命諸道採訪使考課官人善績三年一奏
永為常式 至二十七年二月赦文比來諸道所通
善狀但優仕進之輩與為選調之資責實循名或乖
古義自今以後諸道使更不須通善政每至三年朕

自擇使臣觀察風俗有清白政理著聞者當別擢用
並通典

德宗時趙璟獻審官六議四議考課曰今內庶僚外刺
史課最尤者擢以不次善矣臣謂黜陟宜責歲限若任
要重未當遷者加爵或秩其餘進退宜示遲速之常若
課在中考如限平轉而歷試之即無苟且之心滯淹之
慮唐傳
嘗觀唐之世如班宏之駁劉廼趙宗儒之貶
裴郁盧紹控李泌之抑蕭俛段文昌崔實杜元欽而進

張惟素鄭覃皆考課之得人也 陽城刺史道州治民如治家而民皆知化可謂刺史之最而當時反以催科政拙而下其考何易于令昌邑不督賦役三年無囚可謂縣令之最矣而當時反以在官無異稱而中上其攷此考課之失也 以通典漢唐志及雜文脩

開元初攷功多請托冒濫歲數百人王丘遷攷功務覈實材登科纔滿百人 本傳 至德後攷績未實內

外悉攷中上殿最混淆趙宗儒領攷功事黜陟詳當

無所回憚凡八中上者纔五十人 本傳 趙璟自言

薦韋証以貪敗請降攷考校使劉滋謂璟知過更以

考升 盧承慶嘗攷内外有一官監運損糧考中

下其人容色自若又改注曰非力所及考中中既無

喜無愧又改曰寵辱不驚考中上 韋嗣立調雙流

令政為前最 盧從愿遷豫州刺史政嚴簡奏課為

天下第一 裴向為櫟陽渭南令奏課第一 薛珣

為乾陵臺令歲終以清白聞課第一

宋朝

太祖建隆二年令右監門衛將軍魏仁滌等以監酒麴市徵額外有美利並令遷秩故事文武常參官各以曹官事繁省著為月限考則遷轉太祖循名責實非有勞者未嘗進秩自是歲滿序遷之典頗不復舉行

會要

建隆三年十一月甲子先是案令文州縣官撫育有萬戶口增益者各率見戶每十分加一分刺史縣令各進考一等其州戶不滿五千縣戶不滿五百各準五千五

百戶法以為分若撫養年方戶口減耗各準增戶法亦減一分降考一等主司因循例不進攷惟按視闕失不以輕重便書下攷至是有司上言自今請以減損戶口一分科納係欠一分已上並降攷一等如以公事曠遺有制殿罰者亦降一等又言京官月限多少不等有以三十六月為滿者有以三十月者有以二十月住支料錢者有司逐年書校考第並無準繩自今請應有曹局料錢京官並以三十月為滿內有合校考第者以此為

限其料錢一依舊例月數支給並從之

長編

乾德元

年詔御史臺吏部南曹刑部大理寺官自少卿郎中員外郎知雜御史以下丞簿司直評事等並以三年為滿如常在本司決事者至月限日便與官其尚書侍郎御史中丞大理卿別議恩典如官不恪事廢即不得例遷仍量罪置罰

會要

乾德四年詔曰惟彼銓衡止憑資

歷慮有英俊沉于下僚自今常調赴集選人委吏部取南曹取歷任中多課績而無闕失者具名送中書門下

引驗量才甄叙

實訓

乾德四年詔三司判官皆妙選

時守而事務既繁心力有限若非考課陞黜則功過難明自今有改移制置切在從長事或未詳湏問別司若三省徧咨猶未能決即訪之諸道轉運使以盡利害仍各置歷書其課績至歲終考之三司各置推官一員別給以印三司使亦時糾其非宜庶幾各盡心共濟公事

通畧

開寶九年十一月庚午詔諸道轉運使各察舉

部內知州通判監臨物務京朝官等以三科第其能否

政績尤異者為上恪居官次職務粗治者為中臨事弛慢所莅無狀者為下歲終以聞將大行誅賞焉

長編

太宗謂宰相曰朕欲擇河北一轉運徧閱班簿多不詳操履自今臣僚授任並具履歷引對所冀朕漸與羣臣相識亦可觀其材質若懷才蘊智之士自可因此敷揚或嘗負瑕缺朕前一一讀之想其耻如撻市宋琪曰陛下樂育多士將面命而識之使士大夫有所効又令當職之官獲免謗議

寶典

太宗詔置內殿崇班在供奉之

上左右侍禁在殿直之上以供奉殿直有四十年不遷者故特置崇班侍禁之直以次授之是國初之制不以歲月計久近為叙遷之法也至三年趙韓王復相畏嫌避事請置攷課以分中書之權於是以前京朝官考課歸審官院以幕職州縣官攷課歸流內銓以二銓使臣攷課歸三班院或給印紙歷子或功績可紀清白有守過犯度數舉主姓名盡皆書之俾至闕下赴院磨勘第其等而升黜之尚有甄別能否之意也 興國二年正月

十日詔曰虞書考績爰及三年漢官奏課聿分九等應
諸道州府曹掾府及縣令簿尉先是吏部南曹給印紙
歷子俾州縣長吏書其績用僇過秩滿有司詳視而差
其殿最斯舊章也執事者其申明之無或蔽欺以紊經
制諸州先於歷子外給公據者罷之敢有妄書功勞輒
隱違犯致磨勘彰露或為人陳告本判官錄事參軍悉
除名長吏重罰曹司決配仍揭榜于錄事參軍廳事會
要興國三年二月判吏部南曹董淳言諸州錄事掾

縣令簿先給南曹歷子州吏批書多所漏畧今於令式取其合書如受驛義倉官市牛皮筋角前代帝王陵寢嶽瀆河海祠廟及給鹽麪商稅超越等並書敢漏一事者殿一選三事者降一資初入令錄者只於本資降州縣吏加答責焉令式所合書者雖所部無有亦著其無以相參驗望頒行諸州從之同上興國六年二月詔曰朝廷伸懲勸之道立經久之規應羣臣掌事于外州悉給以御前印紙所貴善惡無隱殿最必書俾因滿秩

之時用因考績之典近聞官吏頗紊綱條朋黨比周秩
相容蔽米鹽細碎妄有指言蠹有巨而不章勞雖微而
必錄有司據文而校件析以聞志既切於澄清思或由
於僥倖成命不反蓋示信以當然出令惟行於垂勸而
安在宜行戒諭用儆因循自今應出使臣僚在任日勞
績非尤異者不得此書曾有殿犯不得引慝其餘經常
事不在批書之限

會要

興國七年五月詔曰朝廷重

賞罰之柄為懲勸之典蓋生民之利病由官吏之能否

也所以旌別善惡陟幽明每思精審以立制條州縣
官所考殿最係南曹而知州通判別給御前印紙以書
功過洎歲時斯久因循失職遂成私徇寢以混淆特舉
舊章以明申警自今外任京朝官凡從政之迹並係本
部以實狀書於所給印紙不得增京功過阿私罔上其
闕津書考之官悉書其名違者置罪

同上

二十九日

詔應知州通判知軍監知縣減官及進士及第幕職州
縣官曾給御前印紙者宜令齎往任所批事迹納差遣

司磨勦功過定升降官第及堪何任使京官以下送閣

門引見朝官件析以聞

同上

興國八年四月詔曰國

家並建庶官分掌衆務各司攸局咸盡其材不明殿最之文曷伸懲勸之道應州縣幕職官等吏部盖有舊規自今京朝官釐事於外者秩滿歸闕曾經責罰及臨事簡慢者並與邊遠州郡課績高第治行尤異者授以近

地式示勸能著為定制

同上

六月三日刑部郎中楊

徽之庫部員外郎孔承恭同考校京朝官殿最八月內

詔曰朕選用羣才升良衆職九品之賤一命之微未嘗專委於有司必須召對於便殿親與之語以觀其能倘敷納而可觀必越次而命賞靡容僥倖庶協澄清自今應親臨選擇官吏並送中書更審勘履歷別聽進止同

上
雍熙二年詔右諫議大夫雷德驤同知京朝官考

課今錄其履歷功過之狀引對既得漸識羣臣可以擇才委任且使有官政者樂以召對負瑕累者耻於顧問可以懲勸矣

通畧

雍熙四年三月十二日詔曰國家

分職建官蓋期於共理信賞必罰以示於無私用崇激
勸之風冀盡忠勤之節應天下知州通判等共分憂責
各效官成政理之臧否攸歸黎庶之慘舒是繫所宜明
為責罰以示勸懲先給御前印紙令書課績而功過未
盡其實黜陟未得其宜自今並條其事迹凡決大獄幾
何凡政有不便於時改而更張人獲其利者幾何及公
事不治曾經殿罰並具書其令狀同僚共書不得隱漏
罷官日上中書考校以定殿最

會要

淳化二年正月

十日左諫議大夫魏庠知制誥柴成務同知京朝官考課十九日詔曰國家擇幹蠱之材領轉漕之任生民係乎舒慘國用倚之盈虛百吏承風在舉措而宜謹三年會計固黜陟以是行苟無課最之文曷伸懲勸之理應諸道轉運使自今釐革庶務平反獄訟及貨財盈羨飛輓辦集有利於民等事並令所在州府軍監每歲終開析以聞其尤異之績者不得申舉

同上

淳化三年十

月戊寅詔曰三考黜陟有虞之茂典八使按行東漢之

多任性遇事過激署按察使殷邦翰辦事有才但
為人多詐居心難信惠潮道方願瑛辦事勤敏操
守亦好廣州府知府樓儼專事趨蹌不勤政事通
郡人民嗟怨此外官員循分供職者居多其在任
未久者優劣尚未周知容再為訪察據實奏

聞至臣受

恩深重時刻銘心是以惟知有

皇上不知有他人惟知有報

恩不知有招怨據所見所聞直陳無隱斷不敢一字涉
虛有負

天高地厚之深恩也謹

奏

好凡有所見所聞應如是直陳毋畏毋隱方是朕用人
如爾若不得聞聽的確則耳目更無可寄矣諸事秉公
持正據實敷奏勉為之

雍正五年二月初一日廣東布政使

臣常賚謹

奏為恭繳

硃批瀝陳微忱仰祈

睿鑒事竊臣齋摺家人回粵奉到

硃批諭旨臣捧讀之下淚如泉湧手足無措伏思傳鼎
博爾多自幼跟隨

皇上受三十年教養之恩復蒙不次超擢俱膺重任雖
捐糜頂踵猶不能仰報於萬一乃一旦頓減天良
上負

君恩此誠天地之所不容鬼神之所不宥者也臣前閱

邸抄已為髮指今讀

實屬不解誠所謂小人福淺不能負荷耳否則喪心病

諭旨更覺痛心臣深荷

狂若不然且莫講負朕深恩即自己一身可以造就成

皇上隆恩恐復蹈二人之轍

千百年之人物亦全不顧念豈不可惜大奇大奇

特加矜恤訓誨諄諄感愧無地臣賦性駑鈍雖無過人

之才而忠君報主之忱存諸夙昔鑒此二人愈加

勉勵惟永矢此心竭圖報效雖遠居萬里之外常

如在

功過編策進內 咸平四年四月初每遇郊祀則百僚
遷官上即考課官孫何耿望以為僥倖請罷去至是之
郊慶止加階勲爵邑而京朝則命審官院攷其殿最引
對上親閱而遷之磨勘京朝官自此始 通畧 景德元

年九月五日詔諸路轉運使副察所部官吏能否辨為
三等公勤廉幹文武可取利益於國惠及於民者為上
幹事而無廉譽清白而無治聲者為次畏懦而貪慢公
不治贓狀未露濫聲頗彰者為下並列狀以聞 會要

景德二年以京朝官任中外職受代者位課引對多獲叙進而計司三館不預茲例於是內出孫沔等四人姓名特遷其官復令審官院立五年之制三班院以七年為限祥符四年以主客郎中李巽為度支郎中兩浙轉運副使司勳員外郎王矩為工部郎中京西轉運副使初遣官提點刑獄至是代選命向敏中較其殿最以嘗活冤獄者為第二等餘為第三等祥符八年及上玉皇聖號大赦內外文武官滿三年者有司即考課以

聞於是引對之法廢矣 天禧元年詔不限內外職守
但及三歲非犯入已贓者皆磨勘遷陟則其他贓私敗
皆得以遷官於是黜陟之法廢矣 乾興元年九月已
已詔伎術官自今不得如京朝官考課遷陟

聖政

仁宗時趙尚寬知忠州以攷課第一知唐州有異故下
詔褒焉仍進秩賜金 天聖三年謂輔臣曰先王考績
之次序雖見於經其詳不傳於後世朕以諸路舉刺之
官初未有法以考其賢比令有司校考績課以歲滿所

上功狀定其殿最爲上中下三等用唐考功四善之法
驗其行實升絀之又擇可信良吏典治之其以新書布
于天下凡在位者悉力一心務以稱朕至誠惻怛之意
天聖六年詔令前一日具功過進內候欲出引對又
非太宗臨軒顧問懲惡勸善之意矣明道間李迪再相
沽譽又減武臣三年遂定爲五年磨勘之制而昔時攷
課黜陟之意愈失矣 天聖七年敕宜令審官院今後
京朝官並宜依景德四年敕以前轉官及三周年者並

收接文字依例磨勘如到闕已來未及三周年者依例
差遣仍候轉官四年者亦與磨勘其川廣轉官及三周
年許令在任中發文字赴審官院磨勘仍命御史臺曉
示今後京朝官得替仰依程限赴闕如因事故顯有
拖延具官位姓名聞奏 天聖八年審官院參詳京朝
官多得替後轉官未及三年却別准本州或轉運司及
諸州公文差遣常及在路故拖延三周年方始到闕今
後京朝官並須以得替日前以轉官及三周年磨勘從

之會要 慶歷二年正月御史中丞賈昌期言近歲舉諸州路提刑多非其人請廢故課黜陟之法詔自今提刑到闕令磨勘院具在任功過分三等聞奏上等除省府判官或轉運使副中等與大藩知州後方升陟差任下等正知州郡如未替間別有差委不拘此限

會要

慶歷三年開天章閣責治范仲淹富弼有曰我祖宗朝文武百官皆無磨勘之例惟政能可旌者擢以不次無所稱者至老不遷故人人自勵以求績效今文資三年

一遷武職五年一遷謂之磨勘不限內外不問勞逸賢不肖並進此豈黜陟幽明之意耶臣請今後兩地臣僚無大功大善更不非時進秩內外官雖通滿五年乃得磨勘

長編

詔曰考課之法舊矣祥符之際治致升平

凡下詔條全於寬大考最則有限年之制入官則有循資之格及此事邊因緣多故數披官簿審閱周行思得應務之才毋虧素養之道非賞勸衆志不激勵非比別人情不憤悱具申凡目著于甲令

大詔令

嘉祐六年

八月詔曰先王考績之次序雖見於經而其詳不見於後世朕若稽古以修衆功而諸路刺舉之官未有以考其賢否比令有司詳議厥制條奏來上詢謀悉同古人有言曰徒善不足以爲政徒法不能以自行今朕有念功樂善之志而又繼之以黜陟幽明之法以待天下之大吏矣然非夫任事之臣躬率以正而考覈其實與士大夫之宣力于外者皆安於禮義而不以便文徼倖爲奸則朕之志豈能獨善於天下而法亦何恃以行哉咨

爾在位其各采力一心務祇簡書以稱朕至誠怛惻之意其令考校轉運使副提點刑獄課績院以所定條目施行

英宗治平三年始展為四年磨勘及定少卿監員額亦以救舊時之弊行至于今入流至多員額猥衆既無引對之法又有減年之令雖任官祠以至待次無功可考無聲可述但計歲月並與遷秩其與國初之意太戾矣
治平四年十月詔曰考課之法所以諫羣臣而覈名

實也今諸路監司與郡守之政既已詳別其條具為令矣至於縣令之職與民尤近而未嘗立法恐非所以愛養元元之道宜令天下州軍各上所轄縣令治狀優劣其條約令考課院議定以聞

神宗熙寧三年四月自上即位循名責實守臣課不及等則有展年降資而治狀優異則褒寵之監司以上則命御史考校至是以縣最為近民未有勸沮約束乃詔考課院條具於儀定以斷獄平是賦入不擾均役屏盜

勸課農桑振恤孤窮遵修水利戶籍增衍整治簿書為最而參用德義清謹公平恪勤為善以攷令之治行分上中下三等取其能否尤著者別其優劣歲上其狀以詔賞罰即循權要抑孤寒故不以實者論如遺制之法

通畧

考課院言準詔定到知縣縣令課法在任斷獄平允民無冤濫賦稅及時了辦不須追擾及差役均平並無論訴之人及雖有論訴而無不當之理在任能屏除盜賊里民安居勸課力田使野無曠土又能振恤困

窮不致流移雖有流移之人而多方招誘都令復業一
任之中主客戶比舊籍稍有增衍在任架閣庫簿書務
合整齊經提刑轉運點檢別無散失及興修水利疏通
積水以利民田能勸誘人戶種植桑棗天下州軍委知
州通判每歲取索轄下得替知縣令前項三條課績兼
依唐四善德義清謹公平恪勤採逐人有上項事實即
參詳分為上中下三等申本路轉運提點刑獄司逐司
類聚齊足同共將一路所供三條課績四善事實再行

審定上中下三等內有事狀尤異出於上等之外則定為優等如政事昏繆出於下等之下者即定為劣等即不得將合在三等政事定優或劣其奏狀並限次年春季申奏到送攷課院看詳如所奏報允當即從本院保明申奏武臣知縣為上中下等之人即乞比類上項賞罰施行詔並從之

長編

熙寧三年丙午詔中書考察

內外官司置簿記功過俟歲終及因非次除擢檢錄比校進呈擇其尤甚者進紬之

同上

哲宗元祐七年四月三省言諸路考察縣令課績等第者本條未有限定人數今以一路所管縣多寡為則委本州通判考察課績以德義有聞清慎明著公平可稱恪勤匪懈為四善以獄訟無冤催科不擾稅賦別無失陷宣敕條貫經帳簿書齊整差役均平為治事之最農桑墾殖野曠土闢水利興修民賴其用為勸課之最屏除奸盜人獲安處賑恤窮困不致流移為撫養之最仍通取善最分為三等七事為上二等為中餘為下限次

月申監司數聚每半年一次同行審復若有能否尤著者別為優劣上半年限八月下半年限次年二月具事狀保明以聞知州除太中大夫觀察使以上三京留守安撫使鈐轄不考察外其餘並委監司依此考察以上並令吏部開拆等第申尚書省即知州通判到任未滿一月監司未滿兩月者並展一月其知縣令在任不及二年罷任者不考察從之同上 紹聖二年七月尚書省言今增損諸轉運提刑提舉官合上簿七事一舉官

二勸農桑三招流亡四興利除害五按察吏部賦罪六
部內置獄及平反獄訟七譏察賊盜並開具互申都司
都司限兩月開具申尚書省諸考課事核賞罰而隱瞞
不申者徒二年逐曹失報者責其吏從之

會要

高宗紹興間因尚書席益之奏而用乾德詔書凡常調
中才行可取或課績優著者長貳具以名聞 紹興三
年八月臣僚上言守令有四善四最攷課之法雖具載
條格欲望明詔監司守臣遵行攷課良法責以試實治

狀上聞如得優異之人乞加獎擢以為循吏之勸詔令

吏部申明行下

同上

紹興三年二月權吏部尚書席

益言太祖乾德四年詔曰自今常調赴集注選人吏部

南曹取歷中多課績而無闕失者觀其人才詣以吏術

可副陞擢者具名送中書門下省驗以聞當與量加甄

獎欲望不用乾德詔書凡常調中才行可取或課績優

著者長貳具以名聞從之

同上

紹興六年四月殿中

侍御史周祕言國家以十五事考校監司以四善四最

考校守令保奏有限違限不實者有罪而五六年間惟成都潼川路一嘗奏到其餘諸路課績並不申奏法令廢弛能否無辨欲望特命有司檢具考課條令申嚴行下責諸路監司州縣自今各依限保明其累年輒不申奏者亦乞取問因依仍乞自今從朝廷制度取殿最各一二人量行賞罰詔令吏部申嚴行下諸路常切遵守如違仰御史臺糾劾以聞餘依奏 紹興二十八年十二月右正言凌哲言祖宗時監司考課之法尤所注意

至給御前印紙批書事件俟其滿歲用以磨勘至於保
奏互舉各有期限違者論罪如律比年以來文存實亡
漫不加省善否混淆莫之旌別欲望申命有司檢坐見
行考課條法嚴飭諸路監司恪意遵守以時互舉聞乎
朝廷且使稍久其任以究行殿最從之

會要


孝宗乾道間臣僚乞自今以責實以為政吏不惟文法
士不惟詞藝故考課黜陟之法所以復還前日之舊矣
總論宋朝建隆初始以戶口增耗為州縣吏歲課之升

降興國初又定三科之法以覈能否其後遂詔郭質勝中正雷德驤典其事又雍熙間上嘗閱班部欲擇用人而患不能徧知羣下之才始詔德驤以羣臣易過之迹引與俱對淳化中又分京朝官考課使王沔主之乃取州縣官考課使張宏主之三班考課使魏廷式主之沔既條奏其法於是御史戴子元郎中張紳皆以負黜焉然沔之法亦以煩碎無待士君子之體物議非之久之復廢京朝考課而置審官院以錢若水主之廢州縣官

攷課歸之流內銓以蘇易簡主之唯三班無所改易其
後天子又嘗欲自宰相修制書攷之事既而但欲責其
稱職遂不行焉然親書課最之意二十餘幅以賜錢若
水等蓋其丁寧之意如此焉 曾南豐

太祖委大臣擇士歲滿叙遷之典稍不復舉文武常
參官非有勞者未嘗進秩至淳化間先正趙普復相
畏嫌避事請置攷課院以分中書之權於是以京縣
官攷課歸審官院以幕職州縣官攷課歸流內銓以

三班使臣歸三班院舉大臣之道揆付之有司之法
守雖有才品至庸下而資攷既足莫不例遷論者以
為非便



羣書考索後集卷十五

欽定四庫全書

子部
羣書考索後集卷十六
七

詳校官中書臣寶汝翼

主事臣祁韻士覆勘

總校官知縣臣楊懋珩

校對官中書臣徐夔雲

謄錄監生臣吉士琛

欽定四庫全書卷

羣書考索後集卷十六

官制門

使祿類

周禮司祿缺其職而不載豈孟子所謂諸侯惡其害已而去其籍者乎雖然軻嘗聞其畧矣自天子至於子男凡五等自公卿至于下士凡六等

宋 章如愚 編

天子一位公一位侯一位伯一位子男同一位凡五等君一位卿一位大夫一位上士一位中士一位下士一位凡六等

君十卿祿食二千八百八十人卿祿四大夫食二百八

十八人大夫倍上士食七十二人上士倍中士食三十

六人中士倍下士食十八人下士與庶人在官者同祿食

九人庶人士在官謂未命為士者祿足以代其耕也此大國之制次國小國則卿祿有隆殺焉

次國君十卿祿卿祿三大夫大夫倍上士上士倍中士中士倍下士下士與庶人在官者同祿 小國君十卿祿卿祿二大夫大夫倍上士上士倍中士中士倍下士下士與庶人在官者同祿

大抵自上農夫食九人積而言之耳孔子使原思為之宰與之粟九百孟子為齊卿其祿十萬鍾范雎許穰侯之辭曰自斗食以上有非相國之人者乎王剪攻闕與歸斗食以下秩佐史也 然則自周以迄戰國無不以

穀粟制祿也

漢興雖小有增損然亦秦制三公號萬石有中二千石比六百石有真二千石有二千石比四百石有比二千石比三百石有千石比二百石有比千石推而下之以至于百石其月斛各有差班固雖不載於本史而顏氏百官表之注尚畧具焉旁考漢律丞相大司馬大將軍俸錢月六萬貢禹上書元帝亦曰臣為諫大夫秩八百石俸錢月九千二百此通典所謂其時亦有俸錢之差

但史文不具耳然則西京之制有穀有錢往往穀多而錢少

宣帝益天下吏百石以下奉十石成帝又益三百石以下奉

後漢建武二十六年增百官俸其千石以上乃減於西京而六百石以下則增於舊制荀綽晉百官表注載後漢延平中二千石俸錢九千米七十二斛真二千石月錢六千五百米三十六斛 當煬帝時百官俸祿猶米

多而錢少況於前乎伏則有賜臘則有賜立春則又有賜帛之制漢官儀所載猶可考也

北齊以帛制祿後周以粟制祿也

唐武德中外官無祿貞觀中制有上考乃給祿其後遂定給俸祿之制以民地租充分官為九品有正有從而給米石各有差凡文武官每歲給祿以石計者總一十五萬有奇而在外者不與焉

在外皆降等

其俸錢之制

則以公廨錢充用公廨錢者官給錢本置令史府史回

易納息以充俸又攷之通典凡京文武正官每歲供給俸食等錢以千計者總一十五萬有奇而員外置不與焉是唐初俸祿錢與米相等矣其後亂離百官俸祿才給其半

梁開平中始令全給

唐同光初租庸使孔謙以軍儲不充百官俸錢雖多而折支非實請減半數而支實錢是後所支半實復從虛折

周顯德中復支實錢

宋朝皆約後唐之制或一支實二分支景德罷兵始詔京師官每千實給六百在外四百至祥符以景貺來格又復增給矣祿令之制定於嘉祐五年府祿米月止百石而俸錢則宰相月三百千執政月二百千而使相則四百千而餐之有在此外者以月計之亦不下四五萬錢則是本朝之制俸錢多於祿米元豐肇新官制職事官職錢以寄祿官高下分行守試三等大率官

以祿令為準而在京官供給之數皆併為職錢如大夫為郎既請大夫俸矣又請郎官職錢視嘉祐祿制為優至崇寧間蔡京秉政貪鄙者在位於寄祿官俸錢職事官職錢外復增供給食料既請僕射之俸又請司空之俸其餘侍從錢米皆支本色執政皆然其視元豐制祿又增倍矣紹興兵興京官以上各減三之一而小官之俸或反增於曩時所以責廉節也

歷代祿數

周制自天子至下士凡六等諸侯國君十卿祿食二千

八百八十人

卿四大夫祿

食二百八十八人

大夫倍上

士食七十二人

上士倍中士

食三十六人

中士倍下士

食十八人

下士與庶人在官者同

食九人

次國之卿食

二百一十六人

君食

一千一百六十人

小國之卿食百

四十四人

君食

千四百四十人

次國之卿命於君者亦

如小國之卿

漢制自中二千石至百石凡十三等中二千石

月俸百

八十斛二千石 百二十斛至百石 十六斛

宣帝益天下吏百石以下奉十五 漢書

攷異按漢書云宣帝益百石以下奉十五若食一斛則益五斗是也又按應劭注漢書云張敞蕭望之言曰今小吏奉率不足常有憂父母妻子之心雖欲潔身為廉其勢不能可增天下吏奉宣帝乃益天下吏奉什一今二說抵牾不可不審亦兩存之

成帝陽朔中除八百石就六百除五百石就四百綏和

二年又益吏三百石以下奉凡吏比二千石以上年老致仕者三分故祿以一與之終其身

通典

中三千石月

俸百八十斛二千石百二十斛比二千石俸百斛千石俸八十斛六百石俸七十斛四百石俸五十斛比四百石俸四十五斛三百石俸四十斛比三百石俸三十七斛二百石俸三十斛比二百石俸二十七斛百石俸十六斛自四百石以至二百石為長吏斗食月俸一十斛或云斗石歲俸不滿百石計日而食一斗二升故云斗

食佐史目俸八斗自百石以下是為下史

通典漢書表

攷異按漢官制所食祿秩皆以斛計當是時但以米穀為祿也今觀貢禹上書曰臣為諫議大夫秩八百石俸錢月九千二百為光祿大夫秩二千石俸錢月萬二千則是又有錢為俸又按王莽詔曰公卿以下一月纔布二匹或帛一匹是又有布帛為俸也由此觀之則漢一代之官祿不可純以為用穀也

後漢大將軍三公月俸三百五十斛至建武二十六年

增百官俸其千石以上減於西京舊制六百石以下增於舊秩永初四年又減百官及州郡縣俸各有差

本史

凡諸受俸皆半錢半穀延平中定制中二千石

月俸

錢九千米七十二斛

真二千石

錢六千五百米三十六

斛比二千石

錢五千米三十四斛

千石

錢四千米三十

斛六百石

錢三千五百米二十一斛

四百石

錢二千五

百米十五斛

三百石

錢二千米十二斛

二百石

錢一千

米九斛

百石

錢八百米四斛八斗

臘及立春更頒賜有

差

宋永元初制州郡秩俸隨土所出無有定準有父母祖
父母年登七十者並給見錢其郡縣田祿以芒種為斷
其此前去官者則一年秩祿皆入前人此後去者悉入
後人

梁武帝天監初定九品令帝於品下注一品秩為萬石
第二第三品為中二千石第四第五品為二千石及侯
景亂國用常徧京官文武月唯別得廩食多遥帶一郡

縣官而取其祿秩焉

通典

揚徐等大州比令僕班寧桂

等小州比參軍班丹陽郡吳郡會稽等郡同太子詹事
尚書班高源晉康等小郡三班而已大郡六班小縣兩
轉方至一班品第既殊不可委載其州郡縣祿米絹布
絲綿當處輸臺倉庫若給刺史守令等先准其所部文
武人物多少由勅而裁

後魏初無祿秩至孝文太和八年始頒俸祿罷諸商人
以簡民事增調三足穀二斛九升以為官司之祿均調

為二疋之賦祿行之後脏滿一疋者死 其祿每季一
請於是百官受祿有差諸宰人之官各隨近給公田刺
史十五頃太守十頃治中別駕各八頃縣令縣丞六頃
更代相付至十年議定民官依尺給絹 本史又曰初
邊方小郡太守數戶而已一請止六尺絹給不滿疋

北齊官秩一品每歲八百疋 二百疋為一秩 從一品七

百疋 一百七十五疋為一秩 二品六百疋 一百五十疋

為一秩 從二品五百疋 一百二十五疋為一秩 三品四

百疋

一百疋為一秩

從三品三百疋

七十五疋為一秩

四品二百四十疋

六十疋為一秩

從四品二百疋

五十

疋為一秩

五品一百六十疋

四十疋為一秩

從五品一

百二十疋

三十疋為一秩

六品一百疋

二十五疋為一

秩從六品八十疋

二十疋為一秩

七品六十疋

十五疋

為一秩從七品四十疋

十疋為一秩

八品三十六疋

九

疋為一秩從八品三十二疋

八疋為一秩

九品二十八

疋七疋為一秩

從九品二十四疋

六疋為一秩

祿率一

分以帛一分以粟一分以錢事繁者優一秩平者守本
秩閑者降一秩長兼試守者亦降一秩官非執事不朝
拜者皆不給祿執事官一品以下給公田各有差凡州
郡縣制祿之法刺史守令下車各前取一時之秩上
上州刺史歲秩八百疋與司州牧同上中上下各以
五十疋為差中上降上下一百疋中中及中下亦
以五十疋為差下上降中下一百疋下中中下亦
以五十疋為差

上都太守歲秩五百疋 降清諸尹五十疋 上中上
下各以五十疋為差 中上降上下四十疋 中中
及中下各以三十疋為差 下上降中下四十疋
下中下下各以二十疋為差

上上縣歲一百五十疋與鄴臨潼咸安三縣同 上中
上下各三十疋為差 中上降上下二十疋中中及
中下各以五疋為差 下上降中下二十疋下中下
下各以十疋為差

州自長史下逮于史吏郡縣自丞以下逮于掾佐亦皆以帛為秩郡有尉者尉減丞之半皆以其所出常調課給之自一品以下至流外勲品各給事力一品至三十人下流外勲品或以五人為等或以四人三人二人一人為等繁者加一等平者守本力閑者降一等謂州刺史守令以下幹及力皆聽勅乃給其幹出所部之人一幹輸絹十八疋幹身放之力則郡縣白直充

後周制祿秩下士一百二十五石中士以上至於大夫
各倍之上大夫是為四千石卿二分孤三分公四分各
益其一公因盈數為一萬石其九秩一百二十石八秩
至於七秩每二秩六分而下各去其一二秩一秩為四
十石

通典

隋京官正一品祿九百石其下每以百石為差至正四
品是為三百石從四品二百五十石其下每以五十石
為差至正六品是為一百石從六品九十石以下每以

十石為差至從八品是為五十石食封及官不判事者并九品皆不給祿其給皆以春秋二季刺史太守縣令則計戶而給祿各以戶數為九等之差大州六百二十石其下每以四十石為差至於下下則三百石大郡三百四十石其下每以三十石為差至於下下則一百石大縣百四十石其下每以十石為差於下下則六十石其祿唯及刺史二佐及郡守縣令
通典
京官給職分田一品者各給田五頃至五品則為田三頃其下每品

以五十畝為差至九品為一頃外官亦各有職分田又

給公廨以供用

要訣

文帝時嘗以百僚供費不足臺省府寺咸置廨錢收息

取給工部尚書蘇孝慈以為官人爭利非興化之道上

表請罷從之公卿以下及給職田各有差

通典義寧二

年唐王為相國罷外官給祿每十斛給地二十畝

通典

大唐武德中外官無祿貞觀二年制有上考者乃給祿

其後遂定給祿俸之制

以民地租充之

京官正一品

米七百石錢九千八百
從一品 六百石 正二品 米五百

石錢八千
從二品 米四百六十石 正三品 米四百石錢

六千一百
從三品 米三百六十石 正四品 米三百石錢

四千二百
從四品 米二百六十石 正五品 米二百石錢

三千六百
從五品 米百六十石 正六品 米百石錢二千

四百
從六品 米九十石 正七品 米八十石錢二千一百

從七品 米七十石 正八品 米六十七石錢千六百
從八

品 米六十二石 正九品 米五十七石錢千三百
從九品

米五十七石

諸給祿者三師三公及太子三師三少

若在京師宰相文武官職事九品以上并左右千牛備
身左右太子千牛衛等官給其春夏二季春秋冬二
季秋給

凡京文武官每歲給祿總一十五萬一千五百三十
三石三斗自至德之後不給

其在外文武官九品以上準官皆降京官一等給其文
武官在京長上者則不降

諸給祿應降等者正從一品各以五十石為一等二品三品皆以三十石為一等四品五品皆以二十石為一等六品七品皆以五石為一等八品九品皆以二石五斗為一等

其俸錢之制京師諸官初置公廨令行署及番官興易以充其俸 貞觀十二年罷公廨置胥士七千人取諸州上戶為之準防閤例而收其課三歲一更計負多少而分給焉 貞觀十五年以府庫尚虛勅在京諸司依

舊置公廨給錢充本置令史府史胥士等今回易納利以充官人俸諫議大夫褚遂良上疏陛下近許諸司命史捉公廨本錢不便太宗納之停諸司捉錢依舊本府給月俸 貞觀二十一年復依故制置公廨給錢為之本置令史府胥士等職賈易收息以充其俸 永徽元年悉發胥士等更以諸州租庸脚直充之其後又令薄賦百姓一年稅錢依舊令高戶及典正等掌之每月收息以充官俸其後又以稅錢為之而罷其息利 凡京

文武正官每歲供給俸食等錢

井防閭庶僕及雜錢等

總一十五萬三千七百二十貫

員外官不在此數

外官

則以公廨田收及息錢等常食公用之外分充月科先以長官定數其州縣少尹長史司馬及丞各減長官之半尹大都督府長史副都督別駕及判司准二佐以職田數為加減其參軍及博士減判司主簿縣尉減縣丞各三分之一

謂內外員外官同正員者祿科賜會食科一事以上

並同正貲其不同正貲者祿賜食料亦同正貲餘各給半職田並不給自乾元之後以常賦不給内外官俸祿各減其半

内供奉及裏行不帶本官者祿俸食料防閣庶僕一事以上並同正官帶官者聽從多處給若帶外官者依

官給食料賜會以京官同

諸檢校及判試知等官不

帶内外官者料度一事以上准貲外官同正貲例給若檢校及判試知處正官見闕者兼給雜用其職田不應

入正官者亦給

其特御史殿中及監察御史知試並同內供奉給行
例

儀鳳三年制內外官俸食防閤邑士白直等宜令王公
以下率口出錢以充給焉 調露元年九月職事五品
以上准舊給仗身 武太后光宅元年九月以京官八
品九品俸料授簿諸八品每年給庶僕二人九品二人
又有親事帳內六品七品子為親事八品九品子為帳

內限年十八以上舉諸州共率萬人為之

凡王公以下及文武職事三品以上帶勳官者則給之
其親事府帳內府官附在王侯篇

三師三公開府儀同三司 一百三十人 嗣王郡王 一百

八人 上柱國帶二品以上職事 九十五人 帶三品職事

六十九人 柱國帶二品已上職事 七十九人 帶三品職

事 六十二人 上護軍帶二品已上職事 七十三人 帶三

品職事 五十五人 護軍帶二品已上職事 六十二人 帶

三品職事

三十六人

諸州縣之官流外九品之上皆

給白直二品

四十人

三品二十三人

四品二十四人

五

品十六人

六品十人

七品七人其七品佐官六人

八品

五人九品四人

諸州縣官流內九品以上及在外監五

品以上皆給執衣

隨衣驅使典執舉硯其監官於隨近

州縣取充

二品十八人

三品十五人

四品十二人

五品

九人六品七品各六人

八品九品各三人

關津兵讀官

並不給

分為三番每周而代

不願代者聽之

初以民

丁中男充為之役使者不得踰境後皆捨其身而收其課課入所配之官遂為恒制鎮戍之官以鎮戍上中下為差上鎮給仗身四人中下鎮將副各三人中下鎮副各二人倉曹兵曹戍主副各一人其仗身十五日一時收資六百四十人開元十年正月省王公以下視品官參佐及京官五品以上官仗身職負凡京司文武職事官五品以上給防閣一品九十六人二品七十二人三品四十八人四品三十二人五品二十四人六品以下

給庶僕六品 五人 七品 四人 八品 三人 九品 二人 公

主邑士 八十人 郡主 六十人 縣主 四十人 特封縣主 三

十四人 京官任兩職者從多給 凡州縣官皆有白直

二品 四十人 三品 三十二人 四品 二十人 五品 十六人

六品 十二人 七品 六人 八品 五人 九品 四人 凡諸親

王府屬並給士力數如白直其防閤庶僕白直力士納

課者每年不過二千五百執衣元不過一千文防閤庶

僕舊制季分月俸食料雜用即有分諸官應月給 開

元二十四年六月乃撮而同之通謂之俸料一品月俸料八千食料千八百雜用千二百防閤二十千通計三十一千二品月俸六千食料千五百雜用一千防閤十五千通計二十四千二百三品月俸五千食料千一百雜用九百防閤十千通計十七千四品月俸三千五百食料七百雜用七百防閤六千六百六十七通計十一千五百六十七五品月俸三千食料六百雜用六百防閤五千通計九千二百六品月俸二千食料四百雜用

四百庶僕二千五百通計五千三百七品月俸千七百五十食料三百五十雜用三百五十庶僕千六百通計四千五十八品月俸千三百五十食料三百雜用三百庶僕六百通計二千五百五十九品月俸千五十食料二百五十雜用二百庶僕四百通計千九百負外官帶同正者不減正負官食料錢不帶同正者減半

宰臣李

林甫奏

天寶三載勅郡縣闕職錢送納太府寺自今已後納當郡充負外官料錢不足即取正官料錢分若

無負外官當縣分 天寶五載制郡縣白直計數多少
同料錢加稅以充之不得配丁為白直 十四載八月
制兩京文武官九品以上正負官自今以後每月給俸
食雜用防閣庶僕等宜十分率加二分其同正官加一
分乃永為恒式

肅宗至德二年已後内外官並不給料錢 乾元元年
外官給半料與職田京官亦與職田不給料仍勅度支
使量閑劇可給手力課負外官一切無料全二年九月

詔京官比無俸料桂玉之費將何以堪宜取絳州穀錢
給冬季即仰所由申請計會支給 大歷三年通計京
城諸司每月給手力資錢凡四萬七千五百四十六貫
四十八並以天下青苗錢充初以常賦不給乃稅人墾
田畝十有五錢資用窘急不暇成熟候苗青即征之故
謂之青苗錢主其任者為青苗使 大歷十二年四月
度支奏給京百司文武官及京兆府縣官每月料錢自
太師以下及參軍文學博士錄事各有差應給百司正

負文武官月料錢外官負準式例合支給料錢自檢校及內侍省監省監亦有差度支奏每年約加一十五萬六千貫文準舊給數都當二十六萬貫文已來伏望準數起六月一日給付勅旨依仍令所司起五月一日支給待豐年無事即準常式處分 六月七日戶部侍郎判度支韓滉奏準今年四月二十八日恩勅加給京文武九品以上正負官月俸其同中書門下平章事不帶正官勅內無額應檢校官同中書門下平章事並請同

正官例就一高處給勅旨依至 建中三年閏正月四
日文武百官每月料錢一百貫已上者三分減一八十
貫已上者五分減一六十貫已上者七分減一四十貫
已上者十分減一三十貫已下者不減待兵革寧後仍
舊給至 貞元三年十一月二十八日勅京官及京兆
府縣官宜加給料錢至四年正月十六日勅京文武及
京兆府縣官總三千七十七員據元給及新加每月當
錢五萬一千四百四貫六百一十七文一年都當六十

一萬六千八百五十五貫四百四文 三十四萬八千五百貫四百文舊額二十六萬八千三百五十五貫四百文新加已上並通典及理道要訣并唐會要

宋朝太祖乾德四年詔州縣之職民政是親自來所請料錢多是折以他物既將貨物未免擾人豈惟傷廉抑亦犯禁且民為邦本祿以代耕俸給苟或不充官吏何以知勸應天下令錄簿尉判司等宜準漢乾祐三年勅復於中等無色役戶內置俸戶據本官所請料錢折支

物色每一貫文給與兩戶貨賣逐戶每月輸錢五百文
除二稅外與免役其折支物色每歲有官吏隨蠶鹽一
併給付元數給第定置田料錢人戶等易料錢二十貫
至七貫俸戶自四十戶至十四戶各有差役幕職官亦
給俸戶開寶五年悉令罷之

會要

太宗雍熙四年詔曰王者設班爵以馭貴差祿秩以養
賢所宜各懋厥官共成庶務顧其稍食宜在優豐應內
外文武臣僚等折支俸錢舊以八分為十分支給自今

並以實價給之 大詔令淳化三年戶部言桂州給貞州十七兩四錢充轉運使時載月俸五十一貫八百文有逾常例望令按劾詔以殊賜載仍別給俸錢焉

真宗祥符五年詔定加文武職官月俸數加今制自唐貞元四年定百官俸至僖昭亂離國用窘闕天祐中止給其半梁開平始令全給後唐同光祖庸使孔謙以軍儲不充百官月俸萬數雖多而折支非實請減半數而支實錢是後所支半實俸虛折顯德三年復給實錢宋

朝之制備于國史大凡約後唐所定數其非兼職者有
一分實錢三分折支景德罷兵之後始其俸給他物者
京師一千給實錢六百在外四百帝嗣位以來承二帝
恭儉之外富有多積承平既久賦斂至薄軍國用度之
外未當廣置自奉且以庶官勤事非厚稍無以責廉隅
故因行慶特給六年入內侍省亦等第加給會要
仁宗寶元初論者欲損吏兵俸賜帝曰祿廩皆有定制
毋遽更變以搖人心

長編

寶元間陝西用大輔臣議

節浮費有議百官俸賜上曰朕所欲去乘輿服御宮掖奢侈奇巧無名之費不給之用爾今國家擇人用職俸賜自有定制何可裁減

實訓

神宗熙寧二年詔自今文武朝官乞致仕歷任有功績治狀顯著者給外任俸錢衣賜京官班行準此其雖無功績治狀歷任無公私罪事理重及無贓罪者減半

長

編

熙寧四年中書言天下選人俸既薄而又多寡不一恐不足以勸廉吏今欲月增縣令錄事參軍俸錢至

十五千米麥四石司理司法司戶參軍主簿縣尉防團
軍事推官軍監判官錢十二千米麥三石每月通增俸
錢一萬二千餘緡米麥二千八十餘石其三班使臣短
使并押綱運並縻費不易欲令三司勘會開畫以聞從
之先是選人廩給下者至請錢七千米麥兩石而已貧
不足自養則往往陷於苟賤不廉之地土閔之故更此
法其後三班吏臣卒不及增

長編

高宗建炎初詔宰執及見任官觀待歸未有差遣京官

以上俸錢權減三之一 聖政 紹興二年上語及戢賊

吏呂頤浩曰奸吏侵漁不可不禁然州縣官依條格合得請給宜按月支與使之食足然後可以養廉隅上曰

然輔臣因進呈諸路公使庫支給外縣官供給條格詔

申明行下 聖政 紹興三年上曰小官增俸雖變舊法

亦所以權一時之宜祖宗成憲固當謹守至於今昔事

有不同則法有所不行亦須變而通之自元豐增選人

俸至十千二百當時物價甚賤今飲食布帛之價比宣

和間猶不啻三倍則選人何以自給而責以廉節難矣
先是御筆增小官俸方下有司條具故聖諭及此聖政

羣書考索後集卷十六